

## 1. proiektua, 2023ko martxoaren 10ekoa

### \_\_\_ / \_\_\_ DEKRETUA, 2023KO \_\_\_AREN \_\_\_(E)KOA, EUSKAL AUTONOMIA ERKIDEGOAN NEKAZARITZA POLITIKA ERKIDEAREN 2023-2027 PLAN ESTRATEGIKOA (NPEPE) APLIKATZEKO XEDAPENAK EZARTZEN DITUENA ETA LANDA-EREMUEN KARAKTERIZAZIOA FINKATZEN DUENA.

Nekazaritza Politika Erkidea (NPE) 1962an sortu zenetik, politika hori nekazaritza sektorearen erronketara eta herritarren beharrian berrietara egokitu da, zenbait erreformaren bitartez.

NPEren azken erreforma 2021eko abenduan amaitu zen, hiru erregelamendu argitaratuta. Erregelamendu horiek, ordezeko eta betearazpeneko erregelamenduekin batera, 2023-2027 aldian NPE aplikatzeko oinarriak finkatzen eta arautzen dituzte, egon daitezkeen luzapenak gorabehera.

Alde batetik, Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamendua, nekazaritza politika erkidearen esparruan estatu kideek egin beharreko plan estrategikoetarako laguntzari buruzko arauak ezartzen dituen (NPEren plan estrategikoak) – Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) kontura finantzatuta– eta 1305/2013 (EB) Erregelamendua eta 1307/2013 (EB) Erregelamendua indargabetzen dituena.

Bestetik, Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamendua, nekazaritza politika erkidearen finantzaketari, kudeaketari eta jarraipenari buruzkoa eta 1306/2013 (EB) Erregelamendua indargabetzen duena.

Eta, azkenik, Europako Parlamentuaren eta Kontseiluaren 2021eko abenduaren 2ko 2021/2117 Erregelamendua (EB), honako hauek aldatzen dituena: 1308/2013 Erregelamendua (EB), nekazaritza-produktuen merkatuen antolaketa bateratua sortzen duena; 1151/2012 Erregelamendua (EB), nekazaritzako produktuen eta elikagaien kalitate-araubideei buruzkoa; Europako Parlamentuaren eta Kontseiluaren 251/2014 Erregelamendua (EB), mahastizaintza eta ardogintzako produktu aromatizatuen adierazpen geografikoen definizio, deskribapen, aurkezpen, etiketatu eta babesari buruzkoa; eta 228/2013 Erregelamendua (EB), nekazaritza sektorean Europar Batasuneko eskualde ultraperiferikoen aldeko neurri espezifikoak ezartzen dituena.

NPE berriak, 2023tik 2027ra bitartean aplikatuko denak, aurreko NPEren funtsezko elementuak dauzka, baina baldintza jakin batzuk betetzean oinarritutako politika izatetik, hiru helburu nagusirekin lotutako emaitza zehatz batzuk lortzera bideratutako politika izatera pasatuko da: nekazaritza sektore adimentsua, lehiakorra, erresilientea eta dibertsifikatua sustatzea, elikagaien epe luzeko segurtasuna bermatuko duena; ingurumenaren babesa indartzea eta babestea, biodibertsitatea eta klimaren aldeko ekintza barne, eta Batasuneko ingurumen- eta klima-helburuak lortzen laguntzea, tartean Parisko Itunaren arabera hartutako konpromisoak; eta landa-inguruetako sare sozioekonomikoa indartzea.

Helburu orokor horiek, era berean, bederatzi helburu espezifikotan banakatzen dira, jasangarritasunaren hiru zutabeetan oinarrituta, eta zeharkako helburu komun batekin osatuta: nekazaritza sektorea modernizatzea landa-inguruetan, ezagutzaren, berrikuntzaren eta digitalizazioaren bidez.

NPEren 2023-2027 aldiko berrikuntza nagusietako bat da Batasuneko estatu guztiek eduki behar dutela NPEren Plan Estrategiko (NPEPE) bakarra, eta bertan NPEren helburuak eta Europako Itun Berdearen xedea lortzeko laguntzarako esku-hartzeak agertu behar direla.

Ildo horretan, hiru urte inguruko lan-prozesu baten ondoren, 2022ko abuztuaren 31n, Europako Batzordeak Espainiako NPEren Plan Estrategikoa onartu zuen C (2022) 6017 Erabakiaren bidez. Lan-prozesu hori Nekazaritza, Arrantza eta Elikadura Ministerioak koordinatu zuen, eta autonomia-erkidegoek parte hartu zuten, bai beharren diagnostikoaren eta analisiaren hasierako fasean, bai esku-hartzeen estrategia eta diseinua artikulatzeko ondoko fasean.

Espainiako NPEPE horretan jaso dira bai lehen zutabearen esparruan programatutako laguntzarako esku-hartzeak (zuzeneko eta sektoreko laguntzak, NBEF funtsak finantzatutakoak), Estatuan zuzenean aplikatuko direnak, bai bigarren zutabeko landa-garapeneko esku-hartzeak (LGENF funtsak eta beste batzuek finantzatuak), autonomia-erkidegoetan abiarazi eta garatzen direnak, kasu bakoitzean ezarritako eskualde-berezitasunekin eta autonomia-erkidego bakoitzak lurraldean programatu dituen esku-hartzeen eta aurrekontuen arabera. Horren ondorioz, EAEn kasuan, zuzeneko ordainketez eta NBEF funtseko esku-hartze sektorialez gainera, landa-garapeneko 18 esku-hartze programatu dira (LGENF), batzuk Eusko Jaurlaritzaren eskumenekoak eta beste batzuk foru-aldundien eskumenekoak.

Espainiako NPEPE onartu ondoren, Nekazaritza, Arrantza eta Elikadura Ministerioak arau-sorta zabala prestatu du, NPEPE behar bezala eta

eraginkortasunez ezarri ahal izateko. Arau-sorta hori kontuan hartu beharko da Batasunaren araudiarekin batera.

NPEren planteamendu berriaren arabera, plan estrategiko bakarra egon behar da, eta bertan bildu behar dira NBEFren zuzeneko laguntzak eta esku-hartzeak, batetik, eta LGENFren konturako landa-garapenerako laguntzak, bestetik. Horregatik, ekimena proposatzen duen sailak hausnarketa egin du eta erabaki du NPEren bi zutabeak uztartzen dituen dekretua egitea, eta, horretarako, orain arte sakabanatuta egon den araudia (xedapen indargabetzaileetan zehazten dena) indargabetu behar da.

Horregatik, dekretu honen xedea da arauak ezartzea, Euskal Autonomia Erkidegoan aplikatu ahal izateko Espainiako Nekazaritza Politika Erkidearen 2023-2027 Plan Estrategikoa (NPEPE), Europako Batzordeak C (2022) 6017 Erabakiaren bidez onartua 2022ko abuztuaren 31n.

Beste alde batetik, LGENFren konturako landa-garapenerako laguntzak landa-eremuen garapen-mailaren arabera ematen dira. Horren ildotik, landa-ingurunearen garapenarenari buruzko ekainaren 30eko 7/2022 Legearen (Euskal Herriko Agintaritzaren Aldizkaria, 2022ko uztailaren 15ekoa) 7. artikulua ezartzen duenaren arabera, landa-eremuak identifikatuko dira, biztanleriarekin, nekazaritza-jarduerarekin eta biztanleria-dentsitatearekin lotutako parametroetan oinarrituta, besteak beste. 3. apartatuan xedatzen da landa-eremuen katalogazioa eta parametrizazioa erregelamendu bidez arautuko direla. Horixe bera da dekretu honen xedea: landa-eremuen karakterizazioa.

Dekretu hau egiteko kontuan hartu dira Emakume Nekazarien Estatutuari buruzko urriaren 15eko 8/2015 Legea eta Emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duen martxoaren 16ko 1/2023 Legegintzako Dekretua.

Dekretu hau prestatzeko aholkuak eskatu zaizkie Arabako, Bizkaiko eta Gipuzkoako foru-aldundiei eta sektorea ordezkatzeko duten elkarte eta erakunde profesionalei. Gainera, arauaren eraginpean egon daitezkeen kopurua kontuan hartuta, testua jendaurrean jarri da \_\_\_\_\_ Ebazpenaren bidez (Euskal Herriko Agintaritzaren Aldizkaria, \_\_\_\_ zk., \_\_\_\_\_(e)koa).

Arau hau bat dator Xedapen Orokorrak Egiteko Prozeduraren ekainaren 30eko 6/2022 Legearen 4. artikuluan xedatzen diren arauen kalitatearen printzipioekin.

Ondorioz, Ekonomiaren Garapen, Jasangarritasun eta Ingurumeneko sailburuak proposatuta, EAeko Aholku Batzorde Juridikoarekin bat etorri eta Gobernu Kontseiluak 2023ko XXaren XX(e)(a)n egindako bilkuran proposamena aztertu eta onartu ondoren, honako hau

## **XEDATZEN DUT**

### **I. KAPITULUA XEDAPEN OROKORRAK**

#### **1. ATALA**

### **NEKAZARITZA POLITIKA ERKIDEAREN 2023-2027 PLAN ESTRATEGIKOA EUSKAL AUTONOMIA ERKIDEGOAN: XEDEA ETA GOBERNANTZAKO EGITURAK**

#### **1. artikulua.– Dekretuaren xedea.**

1.- Dekretu honek bi xede dauzka. Batetik, arauak ezartzea Euskal Autonomia Erkidegoan aplikatu ahal izateko Espainiako Nekazaritza Politika Erkidearen 2023-2027 Plan Estrategikoa (aurrerantzean, NPEPE), Europako Batzordeak C (2022) 6017 Erabakiaren bidez onartua 2022ko abuztuaren 31n. Bi egoitza elektronikotan argitaratuta dago: Euskal Autonomia Erkidegoko Administrazio Orokorraren egoitza elektronikoan (<https://www.euskadi.eus/web01-a1pac/eu/>) eta Nekazaritza, Arrantza eta Elikadura Ministerioaren egoitza elektronikoan (<https://www.mapa.gob.es/es/pac/post-2020/plan-estrategico-pac.aspx>).

Bestetik, landa-eremuen karakterizazioa, Landa-ingurunearen garapenaren ekainaren 30eko 7/2022 Legearen 7. artikulua xedatzen duena betetzeko.

2.- NPEPE EAEn aplikatzean, dekretu honetan xedatzen dena ez ezik, Batasunaren araudia eta Estatuko oinarrizko araudia (I. eranskina) edo horren ordezkoa edo hori osatzen duena ere bete beharko dira.

#### **2. artikulua.– Gobernantza-organoak.**

1.- Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamenduak, nekazaritza politika erkidearen finantzaketari, kudeaketari eta jarraipenari buruzkoak eta 1306/2013 (EB) Erregelamendua indargabetzen duenak, ezartzen dituen gobernantza-erakundeei dagokienez, eta abenduaren 9ko 275/2020 Dekretuak, Nekazaritza Bermatzeko Europako Funtsak (NBEF) eta Landa Garapenerako Europako Nekazaritza Funtsak (LGENF) finantzatutako gastuen erakunde ordaintzailearen Euskal Autonomia Erkidegoko antolakuntza eta funtzionamendu-araubidea ezartzen dituenak,

xedatzen duenarekin bat etorritz, Euskal Autonomia Erkidegoan honako hauek dira NPEPEren esparruko gobernantza-organoak:

- d) Agintaritza eskuduna: nekazaritza politika erkidearen arloko eskumena duen sailaren titularra.
- e) Erakunde ordaintzailea: nekazaritza politika erkidearen arloko eskumena duen saila. Erakunde ordaintzailearen gaineko ardura nekazaritza eta abeltzaintzaren arloetako eskumena duen zuzendaritzaren titularrak dauka.
- f) Ziurtapen-erakundea: Ekonomiaren eta ogasunaren gaineko eskumena duen saileko Kontrol Ekonomikorako Bulegoa.

2.- Erakunde horiek 2021/2116 (EB) Erregelamenduan eta abenduaren 27ko 1046/2022 Errege Dekretuan (Espainiako Nekazaritza Politika Erkidearen Plan Estrategikoaren, NBEFren eta LGENFren gobernantza arautzen duena) esleitzen zaizkien eginkizunak izango dituzte, baita abenduaren 9ko 275/2020 Dekretuak (Nekazaritza Bermatzeko Europako Funtsak –NBEF– eta Landa Garapenerako Europako Nekazaritza Funtsak –LGENF– finantzatutako gastuen erakunde ordaintzailearen Euskal Autonomia Erkidegoko antolakuntza eta funtzionamendu-araubidea ezartzen dituenak) ezartzen dituenak ere.

### **3. artikulua.– EAEko kudeaketa-agintaritza erregionala.**

Euskal Autonomia Erkidegoko Administrazio Orokorrean nekazaritza politika erkidearen arloko eskumena duen saila da NPEPE EAEn kudeatuko duen agintaritza erregionala, 2021/2115 (EB) Erregelamenduaren 123.2 artikulua aplikatuz. Agintaritza horren eginkizunak aurreko artikuluko horretan ezartzen dira eta abenduaren 27ko 1046/2022 Errege Dekretuaren 3. artikuluan zehazten dira (Espainiako Nekazaritza Politika Erkidearen Plan Estrategikoaren, NBEFren eta LGENFren gobernantza arautzen duena). Landa-garapenaren arloko eskumena duen zuzendaritzaren titularrak bere gain hartzen du NPEPE EAEn kudeatuko duen agintaritza erregionalaren ardura.

### **4. artikulua.– Kontu-hartzailetzako organo kudeatzaileak.**

4. Organo kudeatzaileak izango dira nekazaritza politika erkidearen arloko eskumena duen saileko administrazio-unitateak eta foru-aldundietakoak eta NPEPEn EAerako programatutako laguntzarako esku-hartzeak kudeatzeko ardura duten erakundeetakoak.

5. Laguntzarako esku-hartzeak kudeatzeko, espedienteak artatu behar dira eta behar diren kontrolak aplikatu behar dira.

6. Kudeaketa-agintaritzari edo erakunde ordaintzaileari dagozkion eginkizunak ondo egiteko, organo kudeatzaileek uneoro lagundu beharko diete bi organo horiei, eta NPEPEren inguruan eskatzen duten informazio guztia eman beharko diete. Horretarako, laguntzak kudeatzeko programa informatikoak plan estrategikoaren beharrezanetara moldatu beharko dira, lortu behar baita programa horien bidez behar diren datu guztiak eman ahal izatea, laguntzarako esku-hartzeen errendimendua aztertzeke eta jarraipena egiteko. Nolanahi ere, NPEPEren programazioaren aldiaren informazioa eta datuak eskatu ahal izango dizkiote kudeaketa-agintaritzak zein erakunde ordaintzaileak. Horiek beste kanal batzuetatik bideratu beharko dira.

## **5. artikulua.– EAEko kudeaketa-agintaritza erregionalaren koordinazio batzordea.**

1.- Lehen zutabeko (zuzeneko laguntzak eta merkatu-neurriak; osorik finantzatuak Nekazaritza Bermatzeko Europako Funtsaren –NBEF– kontura) eta bigarren zutabeko (landa-garapenerako laguntzak; besteak beste, Landa Garapenerako Europako Nekazaritza Funtsaren –LGENF– kontura finantzatuak) eremuen arteko lankidetzaz zuzena eta eraginkorra izatea bermatzeko eta EAEko kudeaketa-agintaritza erregionalaren egitekoak gauzatzeko, Kudeaketa Agintaritzaren Koordinazio Batzordea sortzen da. Batzorde horrek lantalde gisa jardungo du, eta bertan ordezkari bat arituko da honako administrazio-organoko hauekiko bakoitzeko:

- f) NBEFren zuzeneko ordaintzen ardura duen zuzendaritza.
- g) NBEFren esku-hartze sektorialen ardura duten zuzendaritzak.
- h) LGENFren landa-garapenerako esku-hartzeen ardura duten zuzendaritzak.
- i) Erakunde ordaintzailearen kontabilitate zerbitzua.
- j) Foru-aldundi bakoitzeko zuzendaritza eskuduna.

2.- Koordinazio batzordea kudeaketa-agintaritzaren ardura duen pertsonaren ekimenez bildu ahal izango da, edota batzordeko edozein kideren ekimenez, eta bileretara kasuan kasuko gaiaren arabera bidezkotzat jotzen diren kudeaketa-organoko edo beste administrazio-unitate batzuk edo bestelako erakundeak gonbidatu ahal izango dira.

## **6. artikulua.– Erakunde ordaintzailearen koordinazio batzordea.**

1.- Lehen zutabeko eta bigarren zutabeko eremuen arteko lankidetzaz zuzena eta eraginkorra bermatzeko eta EAEko erakunde ordaintzailearen egitekoak gauzatzeko, erakunde ordaintzailearen koordinazio batzordea sortzen da. Batzorde horrek lantalde gisa jardungo du, eta bertan ordezkari bat arituko da honako administrazio-organoko hauekiko bakoitzeko:

- f) NBEFren zuzeneko ordainketen ardura duen zuzendaritza.
- g) NBEFren esku-hartze sektorialen ardura duten zuzendaritzak.
- h) LGENFren landa-garapenerako esku-hartzeen ardura duten zuzendaritzak.
- i) Erakunde ordaintzailearen ordainketak egiteko zerbitzua.
- j) Foru-aldundi bakoitzeko zuzendaritza eskuduna.

2.- Koordinazio batzordea erakunde ordaintzailearen ardura duen pertsonaren ekimenez bildu ahal izango da, edota batzordeko edozein kideren ekimenez, eta bileretara kasuan kasuko gaiaren arabera bidezkotzat jotzen diren kudeaketa-organoak edo beste administrazio-unitate batzuk edo bestelako erakundeak gonbidatu ahal izango dira.

## **7. artikulua.– NPEPEren Jarraipen Batzorde Erregionala EAEn.**

1.- Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamenduaren 124.5 artikuluekin eta 1046/2022 Errege Dekretuaren (Espainiako Nekazaritza Politika Erkidearen Plan Estrategikoaren, NBEFren eta LGENFren gobernantza arautzen duena) 5.6 artikuluekin bat etorritik, EAEn Nekazaritza Politika Erkidearen 2023-2027 Plan Estrategikoaren Jarraipen Batzorde Erregionala sortzen da. Batzorde horretako kideak landa-garapenaren arloko eskumena duen zuzendaritzaren titularrak izendatuko ditu, bera baita EAeko kudeaketa-agintaritza erregionalaren arduraduna. Batzorde horrek gainbegiratu du nola aplikatzen diren plan estrategikoaren elementu erregionalak, eta horren inguruko informazioa eman beharko dio Jarraipen Batzorde Nazionalari.

2.- Batzordearen osaerak ordezkariak orekatua izan beharko du honako hauen artean:

- a) ingurumenaren eta klimaren arloko eskumena duten agintaritza publikoak;
- b) solaskide ekonomikoak eta sozialak, nekazaritza sektorearen ordezkariak barne;
- c) sozietate zibila ordezkatzeko duten erakundeak eta, hala dagokionean, gizarte inklusioa, oinarrizko eskubideak, genero-berdintasuna eta bereizkeriarik eza sustatzeko ardura duten erakundeak.

Jarraipen Batzordeko kide bakoitzak boto bat izango du. Aldiz, noizean behin bileretara aholkulari gisa doazen pertsonak ez dute botozik izango.

3.- Batzordearen eginkizunak 2021/2115 (EB) Erregelamenduaren 124. artikuluen 3. eta 4. apartatuetan ezarritakoak dira. Eginkizun horiek NPEPEri



buruzkoak izango dira beti, EAEn esparruan. Hain zuzen ere, batzordeak irizpenak eman beharko ditu honako gai hauei buruz:

- d) EAEn programatutako landa-garapeneko esku-hartzeen bidez (LGENF) finantzatutako jardunak hautatzeko irizpideak.
- e) EAEn urteko errendimenduari buruzko txostena.
- f) NPEPEn EAEn ezarritako zehaztapenak edo NPEPEko zehaztapen orokor batzuk aldatzeko proposamenak, Kudeaketa Agintaritza Nazionalari helarazi nahi zaizkionak.

4.- Jarraipen Batzordeko kideak urtean behin gutxienez aurrez aurre bilduko dira, eta NPEPEren helburuak lortzeko aukeretan eragina izan lezaketen alderdi guztiak aztertuko dituzte. Kudeaketa-agintaritzak Jarraipen Batzordearen barne araudia eta irizpenak argitaratuko ditu Euskal Autonomia Erkidegoko Administrazio Orokorraren Egoitza Elektronikoa.

5.- Euskararen Erabilera Normalizatzeko azaroaren 24ko 10/1982 Oinarrizko Legea betez, Jarraipen Batzordeko kideei nahi duten hizkuntza ofiziala erabiltzeko eskubidea bermatuko zaie. Halaber, deialdiak, gai-zerrendak eta aktak bi hizkuntza ofizialetan idatziko dira.

6.- Martxoaren 16ko 1/2023 Legegintzako Dekretuak onetsitako Emakumeen eta gizonen berdintasuna lortzeko eta emakumeen kontrako indarkeria matxistarik gabe bizitzeko Legearen Testu Bateginaren 3.10 artikuluari jarraikiz, Jarraipen Batzordean emakumeen eta gizonen presentzia orekatua lortzen saiatu behar da.

## 2. ATALA

### EAEn PROGRAMATUTAKO LAGUNTZARAKO ESKU-HARTZEAK

#### 8. artikulua.– Esku-hartzeak.

1.- Euskal Autonomia Erkidegoan egin daitezkeen esku-hartzeak, NBEF zein LGENF funtsetakoak, Nekazaritza Politika Erkidearen 2023-2027 Plan Estrategikoaren (NPEPE) 5. apartatuan jasotakoak dira. Plana Euskal Autonomia Erkidegoko Administrazio Orokorraren egoitza elektronikoa argitaratu da (<https://www.euskadi.eus/web01-a1pac/eu/>). Gainera, LGENFren konturako landa-garapeneko esku-hartzeetarako, autonomia-erkidego bakoitzean programatutako LGENFren konturako elementu erregionalei buruzko zehaztasun guztiak ematen dituen deskribapen-fitxa bat dago eskuragarri (aurrerantzean, “esku-hartzeen fitxa”).



2.- Esku-hartzeak bi modutan finantzatu ahal izango dira: oso-osorik Europako NBEFren kontura edo, bestela, Europako LGENFren eta EAEko administrazioen funts propioen kontura, ondorengo artikuluetan ezarritakoaren arabera.

### **9. artikulua.– Laguntzen deialdiak, eskabideak eta ebazpenak.**

1.- EAEn ezartzen diren esku-hartzeen laguntzen deialdietan, dekretu honetan ezartzen denaz gainera, Nekazaritza Politika Erkidearen 2023-2027 Plan Estrategikoa (NPEPE) ere bete beharko da deialdiko esku-hartze guztietan.

2.- Fruta eta barazkien inguruko esku-hartzeetan honako bi errege-dekretu hauetan xedatzen dena aplikatuko da: urriaren 11ko 856/2022 Errege Dekretua, fruta eta barazkien sektoreko ekoizleen elkarteen funts eta programa eragileak arautzen dituen irailaren 21eko 1179/2018 Errege Dekretua aldatzen duena; eta urriaren 11ko 857/2022 Errege Dekretua, fruta eta barazkien sektoreko ekoizleen elkarteen eta haien antolakundeen funts eta programa eragileak arautzen dituen, Nekazaritza Politika Erkidearen Plan Estrategikoaren esku-hartze sektorialaren esparruan.

3.- Deialdiaren aginduan honako hauek zehaztu beharko dira gutxienez:

- l) Laguntzaren edo dirulaguntzaren helburua.
- m) Esku-hartze bakoitzerako zuzkidura ekonomikoa eta funtsen jatorria, ahal dela. NBEFren kontura finantzatzaren diren laguntzen deialdi edo ekitaldi bateko guztirako zenbatekoa Batasunaren araudiaren eta erabakien arabera finkatuko da, edo oinarrizko araudia aplikatuz, betiere kontuan izanda aurrekontu-mugak eta araudi horretan ezarritako finantza-diziplinaren mekanismoak aplikatu behar direla.
- n) Onarpenerako baldintzak eta hautaketarako irizpideak, hala dagokionean.
- o) Hala dagokionean, gastuen gaineko dirulaguntzak zehazteko kontuan hartuko den irizpidea, laguntza eskatzen den jardunaren betearazpen-mailaren arabera.
- p) Eskabideak aurkezteko modua eta epea, eta aurkeztu beharreko dokumentazioa.
- q) Dirulaguntza emateko prozedura, kontrolak eta ebazteko epeak.
- r) Noiz eta nola frogatu behar duen onuradunak jasotako laguntzaren edo dirulaguntzaren helburua bete dela eta funtsak horrexetarako erabili dituela.
- s) Dirulaguntza noiz eta nola ordainduko den. Hala dagokionean, konturako ordainketak eta ordainketa aurreratuak egiteko aukera ezarriko da.
- t) Dirulaguntza emateko ebazpena aldatzeko aukera, gutxienez baldintzak betetzen direnean, baldin eta dirulaguntza emateko kontuan hartutako inguruabarrak aldatzen badira edo beste administrazio, erakunde publiko edo entitate pribatu batek xede bererako emandako laguntza edo

dirulaguntzaren bat lortzen bada edo diru-sarrera edo baliabideren bat eskuratzen bada.

- u) Baldintza guztiak bete ezean, dirulaguntza itzultzeko prozedura.
- v) Beste laguntza, dirulaguntza, diru-sarrera edo baliabide batzuk eskuratzeko aukerarik dagoen, eta, hala badagokio, bateraezinak ote diren. Bateragarritasuna onartzen bada, gehiegizko finantzaketa ez gertatzeko irizpideak edo mugak ezarri beharko dira nahitaez.

4.- Kudeaketa-organoek EAeko kudeaketa-agintaritza erregionalari jakinaraziko dizkiote laguntzak deitu eta garatzeko arauen proiektuak, egiazta dezan bat ote datozen Europar Batasunaren erregelamendu aplikagarrietan, dekretu honetan eta NPEPEn ezartzen denarekin.

5.- Dekretu honen azken xedapenetako lehenengoaren arabera, deialdi bakoitzaren aginduan zehaztu egingo dira Europako araudian zein Estatuko oinarritzko araudian izandako aldaketak, deialdiko esku-hartzean eragina dutenak.

6.- Eskabideak laguntzak kudeatzen dituen organoari aurkeztu behar zaizkio, laguntza bakoitzerako zehaztutako epearen eta baldintzen arabera. Eskabidea jaso duen organoak akatsen bat dagoela edo daturen bat ez dela zehatza antzemanaz gero, horren berri emango dio eskatzaileari, eta hark 10 eguneko epea izango du akatsa zuzentzeko. Epe horretan ez badu akatsa zuzentzen, eskaeran atzera egiten duela ulertuko da, organoak ebazpena eman ondoren.

7.- Esku-hartze bakoitzerako ezarritako epean berariazko ebazpenik ematen eta jakinarazten ez bada, eskabideak ezetsizat jo ahal izango dira, Administrazio Prozedura Erkideari buruzko urriaren 1eko 39/2015 Legearen 25. artikuluan xedatzen denaren arabera.

## **10. artikulua.– Onuradun izateko bete beharreko baldintzak.**

Onuradunak izan daitezke NPEPEn eta, hala dagokionean, LGENFren esku-hartze bakoitzaren fitxan onuradunak izateko hautagarri gisa agertzen diren pertsona fisikoak zein juridikoak. Horiek, onuradunak izateko, berariaz ezarritako baldintzak eta betekizunak bete beharko dituzte, eta, gainera, honako hauetan ezartzen direnak ere bai: dirulaguntzei buruzko azaroaren 17ko 38/2003 Lege Orokorraren 13. artikulua; uztailaren 21eko 887/2006 Errege Dekretua, Dirulaguntzei buruzko azaroaren 17ko 38/2003 Lege Orokorraren Erregelamendua onartzen duena; Euskadiko Ogasun Nagusiaren Antolarauei buruzko Legearen testu bategina, azaroaren 11ko 1/1997 Legegintzako Dekretuaren bidez onartua; aplikatu beharreko gainerako arauak.

## **11. artikulua.– Diruz lagundu daitezkeen gastuak eta laguntzen zenbatekoa.**

Dirulaguntzei buruzko azaroaren 17ko 38/2003 Lege Orokorraren 31. artikulua orokorrean xedatzen duena betetzeaz gainera, esku-hartze bakoitzeko hauta daitezkeen gastuak errespetatu egin beharko dira, baita NPEPEn finkatutako laguntzen gehieneko ehunekoak eta zenbatekoak ere.

## **12. artikulua.– Onuradunen betebeharrak.**

Onuradunek Dirulaguntzei buruzko azaroaren 17ko 38/2003 Lege Orokorraren 13. artikulua ezartzen dituen betebeharrak eta dekretu honetan eta deialdi-aginduetan xedatzen diren berariazko betebeharrak bete beharko dituzte.

## **13. artikulua.– NBEFren konturako esku-hartzeak.**

EAEn aplikatzeko programatutako NBEFren konturako esku-hartzeak dekretu honen IV. eta V. kapituluetan arautzen dira; honako hauek dira:

- c) Zuzeneko ordainketak:
  - i) Jasangarritasunerako errentarako oinarrizko laguntza (JEOL).
  - ii) JEOLen osagarria den birbanaketa-laguntza.
  - iii) Nekazari gazteentzako errentarako laguntza osagarria.
  - iv) Klimaren eta ingurumenaren aldeko araubideak (eko-araubideak).
  - v) Nekazariei lotutako zuzeneko ordainketak.
  
- d) Esku-hartze sektorialak:
  - i) Frutak eta barazkiak.
  - ii) Erlezaintza.
  - iii) Ardoa.

## **14. artikulua.– LGENFren eta Estatuko finantzaketa osagarriaren kontura modu bateratuan finantzatutako esku-hartzeak.**

1.- Dekretu honen bigarren xedapen gehigarrian ezartzen denari kalterik egin gabe, EAEn aplikatzeko programatutako LGENFren konturako esku-hartzeak 2. eta 3. apartatuetan zehazten dira. Horiek abian jartzeko kontuan hartuko da nola dauden banatuta eskumenak foru-aldundien eta erakunde komunen artean. Esku-hartze horiek dekretu honen VI. kapituluaren arautzen dira, eta EAerako ezarritako zehaztapenak bete behar dituzte; hain zuzen ere, zehaztapen horiek Nekazaritza Politika Erkidearen 2023-2027 Plan Estrategikoaren eranskinetako fitxa erregionaletan daude jasota.

2.- Foru-aldundiek honako esku-hartze hauek garatu eta betearazi behar dituzte:

- Nekazaritza-ingurumenaren arloko konpromisoak: ekoizpen integratua.
- Nekazaritza-ingurumenaren arloko konpromisoak: laborantza jasangarriak.
- Nekazaritza-ingurumenaren arloko konpromisoak: larreen sustapen/kudeaketa jasangarria.
- Nekazaritza-ingurumenaren arloko konpromisoak: erlezaintza.
- Nekazaritza-ingurumenaren arloko konpromisoak: nekazaritza ekologikoa.
- Nekazaritza-ingurumenaren arloko konpromisoak: baliabide genetikoak kontserbatzea.
- Oztopo naturalak dituzten eremuetarako laguntzak.
- Nekazari gazteak finkatzea.

3.- Euskal Autonomia Erkidegoko Administrazio Orokorrek honako esku-hartze hauek garatu eta betearazi behar ditu:

- Nekazaritzako produktuak eraldatzeko, merkaturatzeko edota garatzeko inbertsioak egitea.
- Basogintzako ekoizpenerako inbertsioak.
- Landaguneetako oinarrizko zerbitzuetako inbertsioak, ekoizpenekoak ez direnak.
- LEADER.
- Kalitate-araubideetan parte hartzea.
- Nekazaritzako eta elikagaigintzako produktuak sustatzea kalitate-araubideetan.
- Nekazaritzaren Berrikuntzarako Europako Elkarteko (EIP-Agri) talde operatiboen arteko lankidetzak.
- EIP-Agri elkartearekin lotuta ez dauden berrikuntzarako taldeen arteko lankidetzak.
- Ekoizle elkarteak edo taldeak sustatzeko lankidetzak.
- Ezagutzen transferentzia, eta trebakuntza- eta informazio-jarduerak.
- Kudeaketa-agintaritzaren laguntza teknikoa.

## **15. artikulua.– Administrazioarekiko harremana.**

1. Agintaritza eskudunen aurrean egiten diren administrazio-prozedura guztietan, NPEren laguntzaren bat jasotzen duten pertsona fisikoek edo juridikoek eta nortasun juridikorik gabeko entitateek, eta behar diren erregistroetan inskribatutako nekazaritza ustiatzeen beste titular batzuek eta horiekin lotutako enpresek, baldin eta agintaritza eskudunak modu sinesgarrian egiaztatu badu baliabide elektroniko egokiak dauzkatela eta erabil ditzaketela, baliabide elektroniko bidez jardun beharko dute nahitaez Administrazioarekin,

bai Administrazio Publikoen Administrazio Prozedura Erkidearen urriaren 1eko 39/2015 Legearen 14.2 artikulua ezartzen duena aplikatuz, edo bai, gainerako kasuetan, urriaren 1eko 39/2015 Legearen 14.3 artikulua ezartzen duena aplikatuz, erregelamenduan ezartzen denarekin bat etorritik, eta hargatik eragotzi gabe arau sektorialetan salbuespenak ezarri ahal izatea.

2. Hala ere, urriaren 1eko 39/2015 Legearen 12. artikulua ezartzen duenarekin bat etorritik, agintaritza eskudunek interesdunen esku jarri ahal izango dituzte beren betebeharrak betetzeko eta eskubideak baliatzeko behar dituzten tresnak eta zerbitzuak, prozedura horiek baliabide elektronikoen bidez errazago egin ahal izan ditzaten.

3. Nolanahi ere, agintaritza eskudunen arabera prozedura horietarako behar diren baliabide elektronikoak dauzkatela modu sinesgarrian egiaztatu ez den pertsona fisikoen kasuan, agintaritza eskudun horiek, zuzenbide administratiboan oinarrituta eta kontuan hartuta administrazio prozeduran interesdun denaren eskubideak, urriaren 1eko 39/2015 Legearen 53. artikuluan ezartzen direnak, behar diren mekanismoak eta baliabideak ezarri beharko dituzte, bermatu ahal izateko informazioa eta komunikazioa bitarteko ez-elektronikoen bidez jasotzeko duten eskubidea.

#### **16. artikulua.– Datuen eta erregistroen integrazioa eta elkarrengarritasuna.**

Euskal Autonomia Erkidegoko Administrazioak bermatu beharko du programa informatiko egokiak daudela NPEPEren esku-hartzeak kudeatzeko, baita programa horietako datuak eta erregistroak eta Estatuko Administrazio Orokorren programa eta erregistroetako datuak eta erregistroak bateragarriak direla eta denen arteko elkarrengarritasuna ezar daitekeela ere.

### **3. ATALA ESKU-HARTZEAK FINANTZATZEA ETA KONTUAK LIKIDATZEA**

#### **17. artikulua.– NBEFren konturako esku-hartzeen finantzaketa.**

1.- 13. artikuluan arautzen diren zuzeneko ordainketak eta esku-hartze sektorialak finantzatzeko erabiliko diren baliabide ekonomiko guztiak Nekazaritza Bermatzeko Europako Funtsetik (NBEF) etorriko dira, eta baliabide horien bolumen osoa Batasuneko araudian eta erabakietan edo Estatuko oinarritzko araudian deialdi edo ekitaldi bakoitzerako ezartzen dena izango da, betiere kontuan hartuta aurrekontu-mugak eta araudi horretan ezarritako finantza-diziplinaren mekanismoen aplikazioa.

2.- Aurreko apartatuan aipatzen den Batasunaren finantzaketaz gainera, fruta eta barazkien sektoreko esku-hartzeetarako finantzaketa nazionala ere erabiliko da,

Euskal Autonomia Erkidegoko aurrekontu orokorretan berariaz ezarritako kredituen kontura.

3.- Esku-hartzeak erakunde ordaintzailearen bidez ordainduko dira, erakunde ordaintzailearen zuzendariak horretarako ebazpenak eman ondoren, abenduaren 9ko 275/2020 Dekretuan xedatzen denarekin bat etorritz (275/2020 Dekretuaren bidez Nekazaritza Bermatzeko Europako Funtsak –NBEF– eta Landa Garapenerako Europako Nekazaritza Funtsak –LGENF– finantzatutako gastuen erakunde ordaintzailearen antolakuntza eta funtzionamendu-araubidea ezartzen dira Euskal Autonomia Erkidegoan).

### **18. artikulua.– LGENFren konturako esku-hartzeen finantzaketa.**

1.- 14. artikuluan arautzen diren landa-garapenerako esku-hartzeetarako erabiliko diren baliabide ekonomikoak Europako LGENF funtsetik eta foru-aldundien aurrekontuko kredituetatik edo Euskal Autonomia Erkidegoko Administrazio Orokorreko aurrekontu orokorretan berariaz ezartzen diren kredituetatik etorriko dira, NPEPEn EAerako programatutako esku-hartze bakoitzaren fitxan finkatutako finantzaketa-ehunekoa aplikatuz, hau da, Europako Batzordeak onartu eta aldi bakoitzean indarrean dagoena (LGENFk % 43, % 65 edo % 80 finantzatuko du).

2.- Aurreko apartatuan aipatzen den finantzaketa bateratuko sistema ez ezik, 2021/2115 (EB) Erregelamenduaren 146. artikulua arautzen duen Estatuko finantzaketa osagarria ere erabili ahal izango da (Europako Parlamentuaren eta Kontseiluarena, 2021eko abenduaren 2ko 2021/2115 (EB) Erregelamendua, nekazaritza politika erkidearen esparruan estatu kideek egin behar dituzten plan estrategikoetarako –NPEren plan estrategikoak– laguntzari buruzko arauak ezartzen dituena –Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) kontura finantzatuta– eta 1305/2013 (EB) Erregelamendua eta 1307/2013 (EB) Erregelamendua indargabetzen dituena). Hori eginez gero, baliabide ekonomikoak foru-aldundien funtsetatik edo Euskal Autonomia Erkidegoko Administrazio Orokorren aurrekontu orokorretatik baino ez dira etorriko. Finantzaketa nazionala aukerakoa da, eta Administrazio Orokorren eta foru-aldundien urteko aurrekontuetan baliagarri dauden diru-kopuruen arabera erabiliko da.

3.- Oro har, esku-hartze guztietan laguntzeko modua dirulaguntza ematea izango da. Hala ere, esku-hartze batzuk finantza-tresnen bidez finantzatu ahal izango dira, baldin eta NPEPEren esparruan hala ezartzen bada EAerako. Kasu horretan, finantza-eragiketa horien finantzaketa bateratua eta kudeaketa Euskal Autonomia Erkidegoko Administrazio Orokorren kontura izango dira.

4.- LGENFren esku-hartzeetan, erakunde ordaintzaileak ordainketak 1. apartatuan aipatzen den finantzaketa bateratuko sistemaren bidez egiten dituenean, abenduaren 9ko 275/2020 Dekretuan xedatzen denaren arabera egingo ditu, kudeaketa-organoak laguntzaren zati nazionalaren ordainketa ebatzi eta egin ondoren (edo laguntzaren zenbateko osoarena, esku-hartzea foru-aldundi batek kudeatzen badu).

**19. artikulua.– Finantzaketa bikoitzaren debekua eta NBEF eta LGENF funtsen konturako laguntzen bateragarritasuna.**

5. Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamenduak, nekazaritza politika erkidearen finantzaketari, kudeaketari eta jarraipenari buruzkoak eta 1306/2013 (EB) Erregelamendua indargabetzen duenak, ezartzen duenaren arabera, ezin dira finantzatu ez NBEFren ez LGENFren kontura Europar Batasunaren beste funts edo tresna batzuen kontura finantzatutako gastuak.

6. LGENFren kontura finantzatu ahal izango dira Europar Batasunaren beste funts edo tresna batzuen kontura finantzatutako jardunak, baldin eta finantzabide guztietatik jasotako laguntza osoa ez bada esku-hartzerako ezarritako gehieneko laguntza-intentsitatea edo gehieneko zenbatekoa baino gehiago. Kasu horietan, ezin izango dira finantzatu LGENFren kontura beste funts batzuen kontura finantzatutako gastuak. Hori dela-eta, faktura bat zenbait gastutan zatitu daiteke hainbana, zenbait funtsen finantzabideak jaso ahal izateko.

7. Mahastizaintza eta ardogintzako inbertsio-eragiketak (produktuak eraldatzeko zein merkaturatzeko) NBEFren ardoaren sektoreko esku-hartzeen bidez baino ezin dira finantzatu.

8. Fruta eta Barazki Ekoizleen Elkarteen (FBEE) programa operatiboetako jardunak, oro har, NBEFren kontura baino ezin izango dira finantzatu. Debekatuta dago laguntzak bateratzea. Hala ere, FBEEen programa operatiboetako ingurumenaren arloko ekintzak klimaren eta ingurumenaren aldeko araubideekin (eko-araubideak) bat badatoz eta ingurumeneko ekintza baterako kalkulaturako kostua nekazariak eko-araubidearen bidez urtean jasotako zenbatekoa baino gehiago bada, programa operatiboari egotzi ahal izango zaio kostu horren ordainketa, nekazariak eko-araubidearen bidez jasotako zenbatekoa kenduta.

**20. artikulua.– Finantza-likidazioa egiteko prozedura.**



1.- Finantza-likidazioa da Europako Batzordeak egiten duen prozesua, zehazteko erakunde ordaintzaileak egin eta aitortutako gastuetatik zenbat finantzatu diren NBEF eta LGENF funtsen kontura.

2.- Prozedura honi dagokionez, erakunde ordaintzaileak zeregin hauek egin behar ditu, finantza-ekitaldia itxi ondoren eta FEGA OAK (erakunde ordaintzaileak kudeatzen dituen erakundeak) ezartzen dituen epeetan:

i) Ziurtapen-erakundeari bidaliko dizkio gastuen urteko kontuak eta kudeaketa-aitorpena, ikuska ditzan eta baliozkotzat jo ditzan.

ii) Europako Batzordearen sistema informatikoan sartuko ditu urteko finantza-likidazioa egiteko behar diren informazio guztiak, honako hauek batez ere:

- NBEFren eta LGENFren urteko kontuak, eta horiek likidatzeko behar den informazioa.
- Ikuskapenaren eta kontrolen azken txostenak; txosten horietan gobernantza-sisteman antzeman diren erroreen eta akatsen analisisa egin behar da eta ezarritako edo aurreikusitako neurri zuzentzaileak azaldu behar dira.
- Kudeaketa-aitorpena; bertan berretsi behar da aurkeztutako informazioa zuzena eta zehatza dela eta gobernantza-sistema ondo dabilela.

## **21. artikulua.– Errendimenduaren likidazioa egiteko prozedura.**

1. Errendimenduaren likidazioa Europako Batzordeak egiten du, egiaztatzeko NBEF eta LGENF funtsen kontura finantzatutako esku-hartze bakoitzerako finantza-ekitaldi batean ordaindutako zenbatekoa bat ote datorren NPEren plan estrategikoan ezarritakoarekin.

2. Prozedura honi dagokionez, erakunde ordaintzaileak zeregin hauek egin behar ditu:

iii) Hiru hilean behin, FEGA OAK adierazitako epeetan, esku-hartzeak nola gauzatu diren kontrolatzeko behar den informazioa bidaliko dio erakunde horri, erakunde ordaintzaileak kudeatzen dituen erakundea den aldetik, onuradun bakoitzeko xehatuta: gauzatze-adierazleak, zenbateko unitarioak eta NPEren emaitzen adierazleak.

iv) Urtean behin, finantza-ekitaldia itxi ondoren eta FEGA OAK adierazitako epeetan:

- Urteko errendimenduaren txostena egingo du, FEGA OAK emandako ereduari jarraikiz. Txosten horretan, Europako Batzordeak likidaziorako eskatzen duen informazio guztia bildu beharko da.
- Txosten hori ziurtapen-erakundeari bidaliko dio, ziurtapena eman diezaion.
- Ziurtapena jaso ondoren, urteko errendimenduaren txosten ziurtatua FEGA OARI bidaliko dio.

3. Erakunde ordaintzaileak izango du datuen kalitatearen ardura, eta informazioaren segurtasuna bermatuko du etengabe, batez ere esku-hartzeei, gauzatze-adierazleei, zenbateko unitarioei eta emaitzen adierazleei buruzkoa.

## **22. artikulua.– Bi urtean behin errendimendua aztertzea.**

1.- Bi urtez behin, urteko errendimenduaren txostenetako informazioa oinarritzat hartuta eta 2021/2115 (EB) Erregelamenduari bat etorriz, Europako Batzordeak NPEren Plan Estrategikoaren errendimendua aztertuko du. Prozesu horretan, Estatuko kudeaketa-agintaritzak eskatuz gero, EAEko kudeaketa-agintaritzak erregionalak lagundu egingo dio: eskatzen duen informazio guztia emango dio eta, behar izanez gero, antzematen diren desbideratzeen analisiak egiten lagunduko dio.

2.- Analisi horrek agerian uzten badu neurri zuzentzaileak biltzen dituen ekintza-plana aurkeztu behar dela antzemandako akatsak zuzentzeko, EAEko kudeaketa-agintaritzak erregionalak prestatu beharko du ekintza-plan hori.

3.- Erakunde ordaintzaileak bi urtez behingo errendimenduaren analisiaren inguruko alderdi guztietan lagunduko dio EAEko kudeaketa-agintaritzak erregionalari.

## **4. ATALA INFORMAZIOA ETA PUBLIKOTASUNA**

### **23. artikulua.– Informazioaren, publikotasunaren eta ikusgarritasunaren inguruko betebeharrak.**

Bermatu ahal izateko erabat betetzen direla NPEPEren eta Europako laguntzen informazioaren, publikotasunaren eta ikusgarritasunaren inguruko betebeharrak (Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamenduaren 123. eta 124. artikuluek ezartzen dituztenak eta Batzordearen 2021eko abenduaren 21eko 2022/129 (EB) Betearazpen Erregelamenduaren 5. eta 6. artikuluetan eta II. eta III.

eranskinetan zehazten dira), ondoko artikuluetan administrazioen eta laguntzen onuradunen betebeharrak arautzen dira.

#### **24. artikulua.– Administrazioaren betebeharrak.**

3. Kudeaketa-agintaritza erregionalak komunikaziorako eta ikusgarritasunerako ekintzak egin beharko ditu EAEren eremuan, NPEPE indarrean dagoen aldian.

Komunikazio-ekintzetako bat izango da NPEPEren EAEko esku-hartzeen berri ematen duen webgune bat diseinatzea eta abian jartzea, herritar guztientzat. Bertan, laguntza-deialdien egutegia jaso beharko da, baita horiek ikusteko estekak ere.

2.- Beste alde batetik, publikotasuna eta gardentasuna aintzat hartuta, EAEko kudeaketa-agintaritza erregionalak gutxienez eduki hauek jarriko ditu webgune horretan, NPEPEren emaitzen eta errendimenduaren jarraipena egin ahal izateko:

- Jarraipen Batzordearen barne erregelamendua, batzordekideen zerrenda eta ematen dituen irizpenak.
- Urteko errendimenduaren txostenak, eta horien laburpena, herritarrentzat.
- NPEPEren gauzatze-aldian eta ondoren egindako ebaluazioak.

3.- NPEPEren esparruan egiten diren laguntza-deialdietan finantzabideen iturria zehaztu beharko da; eta, hala dagokionean, laguntza jasoko duten jardunak Europako funtsen kontura finantzatuko direla adierazi beharko da. Gainera, laguntza emateko eta ordaintzeko ebazpenetan zehaztu beharko da esku-hartzearen kopurutik zenbat finantzatuko den NBEFren eta LGENFren aurrekontuen kontura, eta berariaz adierazi beharko da Europar Batasunaren funtsak direla eta ordainketak NPEPE 2023-2027 planeko esku-hartzeetarako izango direla.

#### **25. artikulua.– Onuradunen betebeharrak.**

LGENFren kontura finantzatzen diren esku-hartzeen onuradunek (azalerekin eta abereekin lotutakoak ez diren esku-hartzeak, hain zuzen ere) honela jakinarazi beharko dute NPEPEren laguntza jaso dutela:

- g) onuradunaren webgune ofizialean, halakorik edukiz gero, eta sare sozialetako kontu ofizialetan jardunaren deskribapen laburra egingo dute, laguntzaren mailaren proportzioan, helburuak eta emaitzak adierazita, eta Batasunaren finantza-laguntza nabarmenduta;

- h) herritarrei edo parte-hartzaileei zuzendutako eta jardunaren betearazpenarekin lotutako komunikazio-arloko agiri eta materialetan, adierazpen bat jarriko dute erraz ikusteko moduko toki batean, eta hor zehaztuko dute Batasunaren laguntza jaso dutela;
- i) jardunaren xedea azpiegiturak edo eraikuntza-jarduerak finantzatzea bada eta horien guztirako gastu publikoa 500.000 euro baino gehiago bada, herritarrek erraz ikusteko moduko publizitate-plakak edo -hesiak jarriko dituzte, Batasunaren ikurra agerian dutenak (ikurraren ezaugarri teknikoak II. eranskinean zehazten dira), jardunen betearazpen fisikoa hasi edo erositako ekipoak instalatu bezain laster;
- j) jardunaren xedea c) letran aipatzen ez diren aktibo fisikoetan inbertitzea denean eta guztirako laguntza publikoa 50.000 euro baino gehiago bada, proiektuari buruzko informazioa ematen duen plaka bat edo pantaila elektronikoa jarriko dute, eta bertan nabarmenduta agertu beharko da Batasunaren finantza-laguntza;
- k) jardunaren xedea LEADER motako jardunei laguntzea bada (zehazki, c) eta d) letretan aipatzen ez diren oinarritzko zerbitzu eta azpiegiturei), eta guztirako laguntza publikoa 10.000 euro baino gehiago bada, jardunari buruzko informazioa ematen duen A3 tamainako kartel bat edo pantaila elektronikoa jarriko da, herritarrek erraz ikusteko moduko leku batean, eta bertan nabarmenduta agertu beharko da Batasunaren laguntza. LEADER programaren bidez finantzatzen diren tokiko ekintzarako taldeen instalazioetan ere argibide-plaka bat jarriko da.
- l) nekazaritzaren produktibitatearen eta jasangarritasunaren arloetako Berrikuntzarako Europako Elkartearen (BEE) talde eragileentzako laguntzak direla-eta, talde operatiboek beren planen eta proiektuen emaitzen laburpena jarri beharko dute kudeaketa-erakundearen eta herritar guztien esku, ahal dela beren webguneetan.

## **26. artikulua.– Europar Batasunaren ikurraren erabilera.**

1.- Bai kudeaketa-agintaritzak bai NPEPEren laguntzak kudeatzen dituzten organoek eta horien onuradunek Europar Batasunaren ikurra erabili beharko dute ikusgarritasun, gardentasun eta komunikazioko jarduerak egiten dituztenean. Ikurraren ezaugarri teknikoak dekretu honen II. eranskinean zehazten dira, 2021eko abenduaren 21eko 2022/129 (EB) Betearazpen Erregelamenduaren arabera.

2.- Ikurra nabarmenduta agertu beharko da herritarrei jardunen berri emateko prestatzen diren komunikazio-material guztietan, hala nola produktu inprimatuetan eta digitaletan, webguneetan eta horien sakelakoetarako bertsioetan. Ikurrarekin batera honako azalpen hauetako bat agertu beharko da, kasuan kasukoa: «Europar Batasunak finantzatua» edo «Europar Batasunak modu bateratua finantzatua».

## **5. ATALA IRUZURRA ETA INTERES-GATAZKA**

### **27. artikulua.– Iruzuraren aurkako politika.**

1.- Europar Batasunaren eta Euskal Autonomia Erkidegoko Administrazio Orokorraren finantza-interesak babesteko, erakunde ordaintzaileak iruzurraren aurkako politika sendotuko du NBEF eta LGENF funtsen kontura finantzatzen diren NPEren esku-hartzeetan.

2.- Horretarako, kontuan izan behar da Europako Parlamentuaren eta Kontseiluaren 2017ko uztailaren 5eko 2017/1371 (EB) Zuzentaraua, Batasunaren finantza-interesei kalte egiten dien iruzurraren kontra zigor zuzenbidearen bidez borrokatzeari buruzkoa («PIF Zuzentaraua»). Horren arabera, iruzurra da nahita egindako honelako egintza eta ez-egite guztiak:

- d) Dokumentu edo adierazpen faltsuak, akastunak edo osatugabeak erabiltzea edo aurkeztea eta horren ondorioz Europar Batasunaren aurrekontu orokorreko funtsak edo hark kudeatzen dituenak edo haren izenean beste batzuek kudeatzen dituztenak oker erabiltzea edo bidegabe atxikitzea.
- e) Informazioa ezkutatzea, berriazko betebeharra eduki arren, aurreko ondorio berarekin.
- f) Funtsak modu okerrean erabiltzea; alegia, helburu jakin baterako eman, eta beste zerbaitetarako erabili izana.

### **28. artikulua.– Iruzuraren aurkako neurriak esku-hartzeen kudeaketan.**

4. Erakunde ordaintzailearen iruzurraren aurkako strategiaren oinarriak honako hauek izango dira: jardun-prozedurak argiak izatea eta eguneratuta egotea, eta kultura etikoa sendotzea EAEko administrazioan eta laguntzen onuradunen artean.

5. Estrategia hori aplikatzeko, erakunde ordaintzaileak dagozkion neurriak ezarriko ditu iruzurrik ez gertatzeko eta gertatzen dena detektatzeko, modu bidegabean ordaindutako kopuruak berreskuratze eta zehapenak ezartzeko,

jarduketan jarraipena egiteko, eta gertatzen diren iruzurren berri emateko Europako erakundeei eta behar diren erakunde judizialei.

6. Jarduketa horiek prozeduraren eskuliburuan azaldu behar dira. Bertan, honako neurri hauek landuko dira, besteak beste:

- a. Prebentzioaren arloan, kultura etikoa sustatuko da prestakuntzaren bitartez, esku-hartze bakoitzaren arriskuak aztertuko dira, eta egitekoak eta erantzukizunak bereiziko dira.
- b. Iruzurraren detekzioari dagokionez, herritarrek salaketak egiteko kanala edukiko dute eta, NPEren funtsen erabileran iruzurra gertatu delako susmorik izanez gero, haren bidez jakinarazi ahal izango dute. Komunikazio-kanal hori konfidentziala (anonimoa), eraginkorra eta segurua izango da, eta salatzaileen datu pertsonalak babestuta egongo dira beti.
- c. Azkenik, antzematen diren iruzurren kudeaketa dela-eta, erakunde ordaintzaileak batzorde bat eratuko du horretarako. Batzordeko burua erakunde ordaintzailearen zuzendaria izango da; horrez gain, gertatzen diren iruzurren berri eman beharko die Estatuko eta nazioarteko erakundeei.

## **29. artikulua.– Interes-gatazka.**

Dekretu honen ondorioetarako, Europako Parlamentuaren eta Kontseiluaren 2018ko uztailaren 18ko 2018/1046 Erregelamenduak (EB, EURATOM), Batasunaren aurrekontu orokorrari aplikatu dakizkiokeen finantzaketa-arauei buruzkoak eta zenbait erregelamendu indargabetzen dituenak, 61. artikuluan ezartzen duen bezala, interes-gatazka egon daiteke aurrekontua gauzatzen (prestakuntza barne) ari diren finantza-eragileek beren funtzioak inpartzialki eta objektiboki betetzea kolokan badago zenbait arrazoiengatik: arrazoi familiarak, afektiboak, kidetasun politikoak, interes ekonomikoak edo interes pertsonaleko beste edozein arrazoi.

## **30. artikulua.– Interes-gatazkei aurre egiteko estrategiak.**

1.- Erakunde ordaintzaileak esleituta dauzkan laguntzen kudeaketa gardena zaindu behar du, eta horretarako estrategia eta neurri egokiak ezarriko ditu gerta litezkeen interes-gatazkei (IG) aurre egiteko, Europar Batasunak eskatzen duen bezala eta Batasunaren indarreko araudiarekin bat etorritik. Horretarako, honako jarduera hauek egingo ditu, besteak beste:

- d. Eskuliburu bat prestatuko du, eta arlo hauek zehaztuko ditu dokumentu horretan:

- e. IGren definizio argia.
  - f. Ustezko IGen aurrean jokatzeko prozedura, langileentzat.
  - g. Interes-gatazkarik Ezaren Adierazpen eredia (IGEA).
  - h. Eskuliburua erakunde ordaintzailean lanean ari diren enplegatu publikoei bidaliko zaie, hain zuzen ere NPEren esku-hartzeetan ari direnei (prestakuntza-lanak, auditoretza-lanak eta kontrolak barne), are eginkizunak ordezkatzuta dauzkateni ere, beste administrazio publiko zein entitate pribatu batzuetan.
- e. Enplegatuak interes-gatazkei buruzko etengabeko prestakuntza eta kontzientziazioa jasotzea bultzatu eta sustatuko du.
- f. Urtero txosten bat egingo du antzemandako interes-gatazkei eta haien inguruko erabakiei buruz. Txosten hori erakunde ordaintzailearen agintaritzak eskudunari bidaliko zaio.
4. Dekretu hau indarrean jartzen denean, artikuluko honen lehenengo apartatuan aipatzen diren langile guztiek IGEA sinatu beharko dute aipatutako eginkizunetako bat esleitzen zaienean, erakunde honi esleitutako Batasunaren laguntzak kudeatzeko, izapidetzeko eta kontrolatzeko lanei dagokienez.

## **6. ATALA**

### **BIDEGABEKO ORDAINKETAK KONTROLATZEKO ETA BERRESKURATZEKO SISTEMA, ETA ZEHAPEN-ARAUBIDEA**

#### **31. artikulua.– Bidegabeko ordainketak kontrolatzeko eta berreskuratzeko sistema.**

1.- Euskal Autonomia Erkidegoan abenduaren 27ko 1047/2022 Errege Dekretuan araututako kontrol-sistema abian jartzeko (aipatutako Errege Dekretuaren bitartez, Nekazaritza Politika Erkidearen Plan Estrategikoaren esparruko esku-hartzeak eta beste laguntza batzuk kudeatzeko eta kontrolatzeko sistema arautzen da), erakunde ordaintzaileak kontrol-plana prestatuko du, eta hor zehaztuko dira EAEn NBEF eta LGENF funtsen kontura programatutako esku-hartzeak kontrolatzeko kontuan hartu beharreko alderdi guztiak; gainera, behar diren prozeduren eskuliburuak ere prestatuko ditu, eta plana eta eskuliburuak eguneratuta mantenduko ditu NPEPEren indarraldi osoan.

2.- Batasunaren finantza-interesak behar bezala bermatu behar direnez, Europako Parlamentuaren eta Kontseiluaren abenduaren 2ko 2021/2116 (EB) Erregelamenduaren 59.1 artikuluan ezartzen den bezala, baldin eta bidegabeko ordainketarik egiten bada irregulartasun, zabarkeria edo errore administratibo batengatik eta ezarritako kontrol-sistemaren bidez antzematen bada, itzultzeko



eskatuko zaio onuradunari, honako xedapen hauetan ezartzen denarekin bat etorritik: Nekazaritza Politika Erkidea kudeatzeko sistema eta hari lotutako beste gai batzuk arautzen dituen abenduaren 23ko 30/2022 Legearen 10. artikulua; Euskal Autonomia Erkidegoko Ogasun Nagusiaren Antolarauei buruzko Legearen Testu Bategina onartzen duen azaroaren 11ko 1/1997 Legegintzako Dekretua; abenduaren 17ko 698/1991 Dekretua; eta foru-aldundiek modu bateratuan finantzatzen dituzten laguntzei aplikatzen zaien foru-araudia.

3.- Aurreko apartatuan aipatzen diren zenbatekoak ez berreskuratzea erabaki ahal izango da, baldin eta onuradunak laguntza-araubide edo laguntza-neurri baten bidez jasotako banakako ordainketaren kopurua ez bada 250 eurotik gorakoa (interesak zenbatu gabe), Europar Batasunaren araudiak beste zenbateko bat ezarri ezean. Hala gertatzen denean, onuradunari azalduko zaio zer ez duen bete, eta jakinaraziko zaio neurri zuzentzaileak ezarri behar dituela halakorik berriro ez gertatzeko.

### **32. artikulua.– Zehapen-araubidea.**

NPEren arloko arau-hauste administratiboak zehatzeko araubidea honako xedapen hauetan ezartzen da: abenduaren 23ko 30/2022 Legea, Nekazaritza Politika Erkidea kudeatzeko sistema eta hari lotutako beste gai batzuk arautzen dituen; martxoaren 16ko 1/2023 Legea, euskal administrazio publikoen zehatzeko ahalari buruzkoa; otsailaren 28ko 147/2023 Errege Dekretua, zeinaren bidez Nekazaritza Politika Erkidearen Plan Estrategikoan jasotako esku-hartzeetan zigorrak aplikatzeko arauak ezartzen baitira, eta 2023-2027 aldirako Nekazaritza Politika Erkidea Espainian aplikatzearekin lotutako zenbait alderdi arautzen dituzten errege-dekretu batzuk aldatzen baitira.

### **33. artikulua.– Zehatzeko ahala.**

5. Euskal Autonomia Erkidegoko Administrazio Orokorrari dagozkion esku-hartzeetan, zehatzeko ahala hurrengo artikuluan xedatzen denaren arabera erabiliko da.

6. Foru-aldundiei dagozkien esku-hartzeetan, zehatzeko ahala honako hauek erabiliko dute:

a) Gaiaren gaineko eskumena duen sailaren titularrak, arau-haustea astuna edo oso astuna denean. Nolanahi ere, zehatzeko ahala beste norbaiti eskuordetu ahal izango dio.

b) Gaiaren gaineko eskumena duen zuzendaritzaren titularrak, arau-haustea arina denean.

### **34. artikulua.– Euskal Autonomia Erkidegoko Administrazio Orokorrari dagokion esku-hartzeetan zehapenak ezartzeko prozedura.**

1.- Arau-haustek egiteagatik zehapen administratiboak ezarriko dira, dagokion espedientea izapidetu ondoren.

2.- Zehapen-prozedura ebazteko epea urtebetekoa izango da gehienez. Epe hori eten eta luzatu ahal izango da Administrazio Publikoen Administrazio Prozedura Erkidearen urriaren 1eko 39/2015 Legearen 22. eta 23. artikuluetan xedatutakoarekin bat etorriz. Prozedura ebazteko epean berriazko ebazpenik jakinarazten ez bada, prozedura iraungita geratuko da.

3.- Zehapen-prozedura nekazaritza politika erkidearen arloko eskumena duen sailean gaiaren eskumena duen zuzendaritzaren titularrak jarriko du abian.

4.- Zehapen-prozeduraren instrukzioa amaitutakoan, instrukzio-organoak ebazpen-proposamena egingo du, eta interesdunei jakinarazi beharko zaie. Ebazpen-proposamenean alegazioak eta beharrezkotzat jotzen diren agiriak eta informazioak aurkezteko epea zehaztu beharko da. Gutxienez hamar egunekoa izango da.

5.- Ebazpen-proposamenean adieraziko da, modu arrazoituan, zer egitate ematen diren frogatutzat eta zer kalifikazio juridiko duten zehazki; gainera, zehaztuko da zer arau-hauste gertatu den, gertatu bada, nor diren erantzuleak eta zer zehapen proposatzen den, zein den egindako frogen balorazioa, batez ere erabakiaren funtsezko oinarriei dagokienez, eta behin-behineko zer neurri hartu den, hartu bada. Instrukziotik ondorioztatzen bada ez dagoela arau-hausterik edo erantzukizunik, eta ez bada baliatzen lehenengo paragrafoan aipatzen den ahalmena, horren berri emango da proposamenean.

6.- Zehatzeko ahala honako hauek erabiliko dute:

a) Nekazaritza politika erkidearen arloko eskumena duen sailaren titularrak, arau-haustea astuna edo oso astuna denean. Nolanahi ere, zehatzeko-ahala beste norbaiti eskuordetu ahal izango dio.

b) Nekazaritzaren arloko eskumena duen sailean gaiaren gaineko eskumena duen sailburuordetzaren titularrak, arau-haustea arina denean.

7.- Organo eskudunak dagokion ebazpena emango du. Ebazpenean egindako frogen balorazioa egingo da, eta zehaztuko da zein diren egitateak eta, hala badagokio, zein diren erantzuleak, zer arau-hauste egin den eta zer

zehapen ezarriko den, edo, bestela, arau-hausterik edo erantzukizunik ez dagoela adieraziko da.

## **II. KAPITULUA**

### **KUDEAKETA ETA KONTROLEKO SISTEMA INTEGRATUAN (SIGC) SARTUTAKO NPEPEren ESKU-HARTZEAK KUDEATZEA ETA KONTROLATZEA**

#### **35. artikulua.– SIGC sisteman sartutako NPEPEren esku-hartzeak.**

SIGC sisteman daude NBEFren konturako zuzeneko ordainketa gisako esku-hartze guztiak eta LGENFren konturako landa-garapenerako esku-hartzeak, hektareako edo abelburuko ematen direnak (nekazaritza-ingurumenaren arloko konpromisoak eta oztopo naturalak dituzten eremuetarako laguntzak).

#### **36. artikulua.– Sistemaren elementuak.**

Sistema integratuan honako elementu hauek daude:

- Laguntza Eskatzeko Sistema (eskabide bakarra).
- Errentarako oinarritzko laguntzarako eskubideak identifikatzeko eta erregistratzeko sistema.
- Nekazaritzako Lursailak Identifikatzeko Informazio Geografikoaren Sistema (SIGPAC).
- Azalerak Monitorizatzeko Sistema.
- Kontrolatzeko eta zehapenak ezartzeko sistema.
- Abereak Identifikatzeko eta Erregistratzeko Sistema (SITRAN).
- Nekazaritza Ustiategien Informazio Sistema.

### **1. ATALA**

#### **LAGUNTZA ESKATZEKO SISTEMAK (ESKABIDE BAKARRA)**

#### **37. artikulua.– Laguntzak eskatzeko sistema.**

Nekazariak eta abeltzainak urtean laguntza-eskabide bat bakarrik aurkeztu ahal izango dute, azalera edo abelburuak oinarritzat hartuta. Zuzeneko laguntzak zein landa-garapenerako esku-hartzeak eskatu ahal izango dituzte. Eskabide bakarrean 1048/2022 Errege Dekretuaren VI. tituluaren I. kapituluan ezartzen dena bete beharko da (abenduarien 27ko 1048/2022 Errege Dekretua, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa- eta kontrol-sistema integratuaren eskabide bakarra arautzeari buruzkoa).

## **2. ATALA**

### **ERRENTARAKO OINARRIZKO LAGUNTZARAKO ESKUBIDEAK IDENTIFIKATZEKO ETA ERREGISTRATZEKO SISTEMA**

#### **38. artikulua.– Eskubideen datu-basea.**

Abenduaren 27ko 1045/2022 Errege Dekretuak, Nekazaritza Politika Erkidearen esparruan jasangarritasuna bultzatzeko errentaren oinarrizko laguntzaren eskubideei buruzkoak, 6. artikuluan ezartzen duenaren arabera, Estatuko jasangarritasuna bultzatzeko errentarako oinarrizko laguntzarako eskubideak identifikatzeko eta erregistratzeko sistema garatuko da. Sistema hori Nekazaritza, Arrantza eta Elikadura Ministerioan ezarriko da FEGA Oaren bidez, errege-dekretu horretan xedatzen den bezala.

## **3. ATALA**

### **NEKAZARITZAKO LURSAILAK IDENTIFIKATZEKO INFORMAZIO GEOGRAFIKOAREN SISTEMA (SIGPAC)**

#### **39. artikulua.– Nekazaritzako Lursailak Identifikatzeko Informazio Geografikoaren Sistemaren erabilera.**

1.- SIGPAC nekazaritzako lursailak identifikatzeko sistema da, SIGC sisteman ezarritako esku-hartzeak kudeatzeko eta kontrolatzeko, eta lursailak identifikatzea eskatzen duten esku-hartzeetarako. Beraz, erreferentziako datu-base bakarra da nekazaritzako lursailak identifikatzeko, NPEren esparruan.

2.- Halaber, SIGPAC erreferentziako datu-basea da nekazariak azalerei eta laborantzei buruzko informazioa emateko, 1054/2022 Errege Dekretuaren I. eta II. eranskinetan ezartzen denari jarraikiz (abenduaren 27ko 1054/2022 Errege Dekretua, zeinaren bitartez ezartzen eta arautzen baitira Nekazaritza eta Abeltzaintza Ustiategiaren eta Nekazaritza Ekoizpenaren Informazio Sistema, Nekazaritza Ustiategiaren Erregistro Autonomikoa eta Nekazaritza Ustiategiaren Koaderno Digitala).

3.- 1. apartatuan ezartzen denari kalterik egin gabe, azalaren aitortpena SIGPACekoak ez diren beste identifikazio-erreferentzia batzuk kontuan hartuta egin ahal izango da, honako kasu hauetan:

- a) Erkidegoan erabiltzen diren larre publikoen azalera aitortzen direnean.
- b) Mahastizaintzako eta ardogintzako sektoreko azalarekin lotutako laguntzetarako, Mahastizaintza Erregistroa erabiltzen jarraitu ahal izango

da lursailak identifikatzeko. Nolanahi ere, bermatu beharko da Mahastizaintza Erregistroetan identifikatutako lursail guztiak SIGPACeko informazio grafikoan eta alfanumerikoan agertzen direla.

#### **40. artikulua.– Nekazaritzako Lursailak Identifikatzeko Informazio Geografikoaren Sistema: mota eta izaera juridikoa.**

1.- SIGPAC erregistro administratibo publikoa da. Bertan, azalerarekin lotutako Batasunaren laguntzak jaso ditzaketen lursailei buruzko informazioa biltzen da; gainera, zehaztutako nekazaritzako erabilerak edo aprobetxamenduak dituzten lursailen eta esparruen euskarri grafikoa dauka.

2.- SIGPAC datu-base geografikoa da, eta honako datu hauek biltzen ditu: esparru bakoitzaren mugapen geografikoa, bere erreferentziarekin; nekazaritza-erabileraren atributua eta beste informazio garrantzitsu batzuk; bere eginkizuna betetzeko beharrezkoak diren beste kartografia batzuk eta Estatuko lurralde osoko erreferentziazko ortoargazkiak eta mapak.

3.- SIGPACeko esparru bakoitzean, diruz lagundu daitekeen gehieneko azalera zehaztu behar da.

#### **41. artikulua.– Nekazaritza Politika Erkideko laguntzen eta beste dirulaguntza batzuen onuradunen erantzukizuna.**

1.- 35. artikuluan aipatzen diren laguntzen eskabideei dagokienez, baita azalera aitortzeko SIGPAC erreferentzia gisa erabiltzen duten beste dirulaguntza batzuen eta erregistro publikoetako inskripzioen eskabideei dagokienez ere, laguntza horiek edo dena delako erregistroan (SIEXeko nekazaritza ustategien erregistro autonomikoa barne) inskribatzeko eskatzeko erabiltzen diren SIGPACeko esparruak aitortzen dituen nekazariak bere gain hartzen du honako erantzukizun hau: SIGPACen erregistratzen duen informazioa (grafikoa zein alfanumerikoa) egiazkoa dela eta errealitatearekin bat datorrela.

2.- Hain zuzen ere, onuradunak egiaztatu beharko du SIGPACeko esparruaren mugapen grafikoa eta erabilera lursailaren egiazko mugapenarekin eta erabilerarekin bat datozela eta esparruan ez dagoela dirulaguntzarako onartzen ez den elementurik, hala nola biderik, eraikinik edo ekoizpenerako ez den bestelako elementu iraunkorrik. Larre-sailen kasuan, onuradunak egiaztatu beharko du sailari esleitutako larreen dirulaguntza-koefizientea bat datorrela sailaren dirulaguntza-azalarekin.

7. Inaktibo gisa ageri ez diren esparruak soilik joko dira zuzenean aitortutzat edo inskribatutzat. Esparru inaktibo bat aitortu nahi izanez gero, nekazariak

SIGPACeko aldaketa eskatu beharko du inaktibotasuna ezabatzeko, eta horrez gain bigarren paragrafoan azaltzen diren egiaztapenak egin beharko ditu.

8. Laguntza eskatu ondoren edo erregistroan inskribatzeko eskatu ondoren egiaztatzen bada SIGPACen erregistratutako informazioa ez dela zuzena, dagozkion zehapenak eta zigorrak ezarriko dira, eta, hala badagokio, modu bidegabean jasotako ordainketak itzuli beharko dira.

#### **42. artikulua.– Nekazaritzako Lursailak Identifikatzeko Informazio Geografikoaren Sistema aldatzeko eskaerak.**

1.- SIGPACeko esparru baten titularra edo esparru hori erabiltzeko eta horren aprobetxamendua baliatzeko gaitasuna frogatzen duen pertsonaren bat ez badago ados esparru horri buruz SIGPACen erregistratuta dagoen informazioarekin, errealitatearekin bat ez datorrelako, informazio hori berrikusteko eskaera egin beharko du, eta, horretarako, aldaketa-eskabidea aurkeztu beharko du, behar bezala arrazoituta eta dokumentu bidez justifikatuta.

Nolanahi ere, esparruari dagokion katastro-lursailari buruzko informazio grafiko eta alfanumerikoa aldatzeko eskatzen bada, eskabidea higiezinaren katastroa kudeatzeko eskumena duen agintaritzari aurkeztu beharko zaio, hain zuzen ere lursailari dagokion probintzian .

2.- Sistemako informazioa aldatzeko eskabideak zuzeneko laguntzen urteko deialdiaren aginduan ezartzen den prozeduraren arabera aurkeztu beharko dira, eta nekazaritzaren arloko eskumena duen zuzendaritzara bidali beharko dira.

3.- SIGPAC aldatzeko eskabideak aurkezteko epeak direla-eta, honako hauek hartu beharko dira kontuan:

a) Interesdunek edozein unetan aurkeztu ahal izango dizkiote alegazioak SIGPACen edukari; horretarako, 1. apartatuan aipatzen den aldaketa-eskabidea aurkeztu beharko dute.

b) Hala ere, nahi bada aldaketa kontuan hartzea SIGC sisteman sartu beharreko NPEren esku-hartzeen eskabide bakarrerako (esku-hartze horiek abenduaren 27ko 1048/2022 Errege Dekretuak arautzen ditu), errege-dekretu horren 112. artikuluan eskabide bakarra aldatzeko ezarritako epea amaitu baino lehen aurkeztu beharko da alegazioa.

4.- Aurreko kontrolen, kontrol administratiboen edo monitorizazio-kontrolen ondorioz nekazari batek eskatu behar badu eskabide bakarra egokitzeko abenduaren 27ko 1048/2022 Errege Dekretuaren 112.2 eta 112.3 artikuluetan arautzen denaren arabera eta, gainera, SIGPACeko informazioa aldatu behar

badu, esparru horiek aldatzeko eskaera egin ahal izango du artikuluko horretan ezartzen diren epeetan.

Gainera, aurreko kasuan, SIGPACeko informazioa ofizioz eguneratuko da nekazariak bere eskabide bakarria egokitzen duenean aurreko kontrolen, kontrol administratiboen edo monitorizazio-kontrolen ondorioz, baldin eta ofiziozko eguneraketa beharrezkoa bada SIGPACen, eskabide bakarreko informazio berriaren eta kontrolen emaitzen arteko koherentzia mantentzeko.

#### **4. ATALA**

### **AZALERAK MONITORIZATZEKO SISTEMA**

#### **43. artikulua.– Definizioa eta aplikazio-eremua.**

1.- Azalera monitorizatzeko sistemaren funtsa izango da nekazaritzako lursailetan egiten diren nekazaritzako jarduerak eta lanak modu sistematikoan eta aldian-aldian behatzea, lokalizatzea eta aztertzea, Copernicus programako Sentinel sateliteek bildutako datuak edo antzeko beste datu batzuk baliatuz, eskatzen diren esku-hartzeak dirulaguntzarako onargarriak diren erabakitzeko behar den denbora-tartean. Gainera, azalera monitorizatzeko sistemak jarraipen-ekintza egokiak aplikatuko ditu, dirulaguntzarako onartu daitezkeen edo ez argi ez dagoen eskaerentarako.

2.- Azalera monitorizatzeko sistema nahitaez aplikatuko zaie azalera oinarritutako esku-hartzeak dituzten laguntza-eskabide guztiei.

3.- 2025eko urtarrilaren 1etik aurrera, geoetiketadun argazkiek Copernicus programako sateliteen bidez bildutako datuen balio bera izango dute, eskumena duen agintaritzak urteroko deialdiaren aginduan esku-hartze bakoitzerako ezarritako dirulaguntzarako baldintzei eta elementu espezifikoiei dagokienez.

#### **44. artikulua.– Nekazariekin komunikatzeko sistema.**

1.- Abenduaren 27ko 1047/2022 Errege Dekretuak, Nekazaritza Politika Erkidearen Plan Estrategikoaren esparruko esku-hartzeak eta beste laguntza batzuk kudeatzeko eta kontrolatzeko sistema arautzen duenak, xedatzen duenarekin bat etorritik, komunikazio-sistema elektronikoa ezarriko da, eta onuradunek nahitaez erabili beharko dute Administrazioarekiko harremanentarako. Administrazioak ustiatzearen titularren eta onuradunen eskura jarriko ditu betebeharrak betetzeko eta eskubideak baliatzeko behar dituzten tresnak eta zerbitzuak, prozedura horiek baliabide elektronikoen bidez errazago egin ahal izan ditzaten.



4. Sistema horren bidez, monitorizazioari eta aurreko kontrolei esker antzematen diren gorabeheren berri emango zaie nekazariei, eta sistema bera erabiliko da onuradunei froga gehiago eskatzeko (argazki geoetiketadunak) jarraipen-jarduketetan. Gainera, administrazioak onuradunei aukera emango die beren espedienteetako azalerak monitorizatzeko kontrolen emaitzak aztertzeko.

5. Dirulaguntzarako baldintzak soilik argazki geoetiketadunen bitartez monitorizatu badaitezke, nekazariak argazki horiek garaiz eta behar bezala aurkezten ez baditu, monitorizatutako baldintzak ez dira betetzat joko. Modu berean jokatu da nekazariak ez baditu eskatutako froga gehigarriak aurkezten edo argazkiak epez kanpo aurkezten baditu.

#### **45. artikulua.– Laguntza-eskabideak moldatzea.**

Egiten diren komunikazioen ondorioz, onuradunek beren eskabideko nekazaritzako lursailak egokitu ahal izango dituzte azalerak monitorizatzeko sistemako esku-hartzeetara. Horretarako epeak eta modua 1048/2022 Errege Dekretuaren 112. artikuluan ezartzen dira (abenduarien 27ko 1048/2022 Errege Dekretua, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa- eta kontrol-sistema integratuaren eskabide bakarra arautzeari buruzkoa).

#### **46. artikulua.– SIGPAC eguneratzea.**

Azalerak monitorizatzeko sistemaren emaitzak Nekazaritzako Lursailak Identifikatzeko Informazio Geografikoaren Sistema eta beste datu-base ofizial batzuk eguneratzeko erabiliko dira.

### **5. ATALA KONTROLATZEKO ETA ZEHAPENAK EZARTZEKO SISTEMAK**

#### **47. artikulua.– Kontrolatzeko eta zehapenak ezartzeko sistemak, SIGC sistemaren esparruan.**

SIGC sistemaren esparruko kontrolak eta zigorrak Kontrolen Plan Autonomikoan jasoko dira, dekretu honetan arautzen diren kontrolen eta zigorren sistemaren parte gisa.

### **6. ATALA ABEREAK IDENTIFIKATZEKO ETA ERREGISTRATZEKO SISTEMA (SITRAN)**

#### **48. artikulua.– Abereak Identifikatzeko eta Erregistratzeko Sistema.**

1.- Abereetan oinarritutako esku-hartzeetako dirulaguntzetarako baldintzak modu automatikoan egiaztatzeko behar den informazioa (ustiategiaren eta bertako ekoizpen-unitateen titulartasuna, ustiategiaren ekoizpenaren orientazioa eta data edo aldi jakin bateko abereen errolda, esaterako) Abereen Trazabilitate Sistema Integraleko (SITRAN) erregistroetatik baino ez da aterako. Erregistro horiek honako errege-dekretu hauetan arautzen dira: martxoaren 26ko 479/2004 Errege Dekretua, abeltzaintzako ustiategien erregistro orokorra ezartzen eta arautzen duena; eta ekainaren 13ko 728/2007 Errege Dekretua, abereen mugimenduen erregistro orokorra eta abereak banaka identifikatzeko erregistro orokorra ezartzen eta arautzen dituen. Sistema horretan honako hauek daude:

- a) Abeltzaintzako ustiategien erregistro orokorra (REGA),
- b) Abereen mugimenduen erregistro orokorra (REMO), eta
- c) Abereak banaka identifikatzeko erregistro orokorra (RIIA).

2.- SITRAN autonomikoan bildutako informazioa foru-aldundietako agintaritza eskudunek eguneratuko dute, beren datu-baseetan erregistratutako informazioa baliatuz.

3.- Euskal Autonomia Erkidegoko SITRANetik, hasieran laguntza jasotzeko baldintzak betetzen dituzten abereen zerrenda aterako da. Lotutako zuzeneko laguntzen kasuan, abere horiek dirulaguntza jaso dezaketen aberetzat joko dira (DJDA). Kontzeptu hori abereetan oinarritutako zuzeneko ordainketa gisako esku-hartzeen eskabide automatikoen sistemaren ardatza da.

## **7. ATALA**

### **NEKAZARITZA USTIATEGIEN INFORMAZIO SISTEMA (SIEX)**

#### **49. artikulua.– Nekazaritza ustiategien informazio sistema.**

1.- SIEX (abenduaren 27ko 1054/2022 Errege Dekretua, zeinaren bitartez ezartzen eta arautzen baitira Nekazaritza eta Abeltzaintza Ustiategien eta Nekazaritza Ekoizpenaren Informazio Sistema, Nekazaritza Ustiategien Erregistro Autonomikoa eta Nekazaritza Ustiategiaren Koaderno Digitala) sistemako informazioa baliatuz, Sistema Integratuan egiaztatuko da azalera oinarritutako esku-hartzeen gutxieneko baldintzak eta dirulaguntzetarako baldintzak eta konpromisoak betetzen ote diren, eta elkarreragingarritasuna ezarriko da beste sail batzuen menpeko datu-base eta erregistro administratibo batzuekin, hain zuzen ere nekazaritza ustiategien karakterizaziorako garrantzitsuak direnekin.

2.- Nekazaritza ustiategien erregistro autonomikoa eta koaderno digitala erregelamendu bidez garatuko dira.

### III. KAPITULUA BALDINTZA INDARTUAK ETA BALDINTZA SOZIALAK

#### 50. artikulua.– Kotsiderazio orokorrak.

SIGC sistemako esku-hartzeetako azalaren eta abereen araberako zuzeneko ordainketak edota urteko ordainketak jasotzen dituzten onuradunek baldintza indartuak eta baldintza sozialak bete behar dituzte.

#### I. ATALA BALDINTZA INDARTUAK

#### 51. artikulua.– Kontrol-agintaritza eskudunak.

1.- Nekazaritza eta abeltzaintzaren arloko eskumena duen zuzendaritza izango da baldintzak aplikatzeko arduraduna.

2.- Foru-aldundiak izango dira Kontrolerako Erakunde Espezializatuak, bakoitza bere lurralde-eremuan, honako hauetan xedatzen denarekin bat etorritik: abenduaren 9ko 275/2020 Dekretua, zeinaren bidez Nekazaritza Bermatzeko Europako Funtsak (NBEF) eta Landa Garapenerako Europako Nekazaritza Funtsak (LGENF) finantzatutako gastuen erakunde ordaintzailearen antolakuntza eta funtzionamendu-araubidea ezartzen baitira Euskal Autonomia Erkidegoan; eta azaroaren 25eko 27/83 Legea, Autonomia Erkidego Osorako Erakundearen eta bertako Lurralde Historikoetako Foruzko Jardute-Erakundearen arteko harremanei buruzkoa.

3.- Murrizketak kalkulatzeko eta bazterketak egiteko eskumena duen agintaritza Euskal Autonomia Erkidegoko erakunde ordaintzailea izango da.

#### 52. artikulua.– Kontrol-sistema.

3. Nekazaritzako eta ingurumenaren arloko eskumena duen zuzendaritzak baldintza indartuak kontrolatzeko plana ezarriko du, egiaztatzeke ea 35. artikuluan aipatzen diren laguntzak jasotzen dituzten onuradunek betetzen ote dituzten abenduaren 27ko 1049/2022 Errege Dekretuan zehazten diren Kudeaketako Legezko Eskakizunak (KLE) eta Nekazaritzako eta Ingurumeneko Baldintza Egokiak (NIBE).

4. Euskal Autonomia Erkidegoko Kontrolen Plana FEGAk autonomia-erkidegoekin elkarlanean egindako Estatuko kontrolen planari egokituko zaio, eta erakunde horri jakinaraziko zaio. Plan hori modu bateratuan idatziko dute

erakunde ordaintzaileak eta foru-aldundiek, eta urtero berrikusiko da kontrolen emaitzen arabera.

### **53. artikulua.– Kontrol motak.**

1.- Administrazio-kontrolak eta tokian tokikoak egingo dira. Halaber, hala dagokionean, azalerak monitorizatzeko sistema edo antzeko beste teknologia batzuk erabili ahal izango dira.

5. Kasuan kasuko baldintza indartuen inguruko betekizunen eta arauen arabera, kontrol-sistema sektorialen esparruan egindako kontrolak erabili ahal izango dira, baina ezinbestekoa da kontrol horien irismena eta eraginkortasuna gutxienez ere aurreko paragrafoan aipatutako kontrolen bestekoak izatea.

6. Kontrol ofizial batean egiaztatzen bada ez dela bete kudeaketako legezko eskakizunetako bat (KLE) edo nekazaritzako eta ingurumeneko baldintza egokiei buruzko arauetako bat (NIBE), erakunde ordaintzaileari jakinarazi beharko zaio.

### **54. artikulua.– Administrazio-kontrolak.**

Hala dagokionean, administrazio-kontrolak aplikatu beharko zaizkie arau eta baldintza jakin batzuk bete behar dituzten laguntzen onuradun guzti-guztiei, horiek betetzen ote dituzten egiaztatzeko.

### **55. artikulua.– Tokian tokiko kontrolak.**

1.- Tokian tokiko kontrolak egingo dira. Kontrol horien ehunekoak eta baldintzak Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamenduaren 83. artikuluan ezartzen dira. Laguntza-eskabideak aurkezten diren ekitaldi berean egingo dira tokian tokiko kontrolak.

2.- Tokian tokiko kontrolez foru-aldundiak arduratuko dira, lankidetzahitzarmenetan ezartzen denari jarraikiz. Gutxienez KLE edo NIBE bakoitza edo KLE edo NIBE multzo bakoitza bete behar duten pertsonen ehuneko batari aplikatuko zaizkio.

3.- KLE edo NIBE bakoitza edo KLE edo NIBE multzo bakoitza bete behar duten pertsonen gutxienerako kontrolen ehunekora iristeko, kontuan hartu ahal izango dira NPEPEtik kanpo nekazaritzaren arloko beste araudi baten aplikazioaren ondorioz egiten diren tokian tokiko kontrol ofizialak (kontrol sektorialak), hain zuzen ere hautatutako onuradunen KLEei eta NIBEei buruzko legeriaren arabera egiten direnak. Horretarako, kontrol sektorialen kontrol-aktetan zehaztu beharko da akta horiek baliozkoak direla baldintza-kontrolari dagokienez eta beren emaitzek ondorioak izan ditzaketela araudi hau aplikatzean.

## 2. ATALA BALDINTZA SOZIALAK

### 56. artikulua.– Baldintza sozialak.

1.- Lan-arloko indarreko araudi osoa ez ezik, baldintza sozialak bete behar dituzten laguntzen onuradunek abenduaren 27ko 1049/2022 Errege Dekretuaren III. eranskinean langileen enpleguaz, osasunaz eta segurtasunaz xedatzen dena ere bete beharko dute.

2.- Lan-arloko eta arlo sozialeko ardurak dauzkaten agintaritzek, beren legezko eskumenen esparruan, baldintza sozialak betetzen ote diren kontrolatuko dute, aipatutako III. eranskinean xedatzen dena aplikatzen eta betetzen den egiaztatzeko.

## 3. ATALA ZIGORRAK EZARTZEKO SISTEMAK

### 57. artikulua.– Zigorrek ezartzeko sistemak.

1.- Baldintza indartuak bete behar dituen onuradun batek KLEen eta NIBEen betebeharrak betetzen ez baditu urte natural jakin bateko edozein unetan eta ez-betetze hori zuzenean egotzi ahal bazaio urte horretan laguntza-eskabidea edo ordaintzeko eskaera aurkeztu duen onuradunari, zigorra aplikatuko zaio.

2.- 2024ko urtarrilaren 1etik aurrera zigorra ezarriko zaie baldintza sozialak ezarrita dauzkaten laguntzen onuradunei, baldin eta kasuan kasuko urte naturalean ez badituzte betetzen abenduaren 27ko 1049/2022 Errege Dekretuaren III. eranskinean ezartzen diren xedapenak.

3.- Euskal Autonomia Erkidegoko erakunde ordaintzailea izango da aurreko apartatuan aipatutako zigorrek ezartzeko eskumena izango duen agintaritza.

4.- Zigorrek kalkulatzeko eta aplikatzeko, honako hauetan xedatzen dena hartuko da kontuan: Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamenduaren 85. artikulua eta Batzordearen 2022ko maiatzaren 4ko 2022/1172 (EB) Erregelamendu Delegatua.

5.- Baldin eta zigorraren zenbatekoa 100 euro edo gutxiago bada urte natural bakoitzeko, laguntzen onuradunari ez zaio zertan zigorrik aplikatuko, baina, nolana ere, jakinaraziko zaio egiaztatu dela ez dituela baldintzak bete eta neurri zuzentzaileak ezarri behar dituela halakorik berriro ez gertatzeko. Ondorengo

kontrolean batean ikusten bada ez dela hartu neurri zuzentzaileak, hori kontuan hartuko da berrerortzearen edo iraunkortasunaren ondorioetarako.

#### **IV. KAPITULUA NBEFren KONTURAKO ESKU-HARTZEAK ZUZENeko ORDAINKETAK**

##### **58. artikulua.– Laguntzarako esku-hartzeak: zuzeneko ordainketak.**

13. artikuluaaren arabera, honako hauek dira NBEFren konturako zuzeneko ordainketa gisa emandako laguntzetarako esku-hartzeak:

- Jasangarritasunerako errentarako oinarritzko laguntza (JEOL)
- JEOLen osagarria den birbanaketa-laguntza.
- Nekazari gazteentzako errentarako laguntza osagarria.
- Klimaren eta ingurumenaren aldeko araubideak (eko-araubideak).
- Nekazariei lotutako zuzeneko ordainketak.

##### **59. artikulua.– Onuradunak.**

Aurreko artikuluan aipatzen diren zuzeneko ordainketa gisa egindako esku-hartzeen onuradunek 1048/2022 Errege Dekretuan ezarritako baldintzak bete beharko dituzte horiek jasotzeko (abenduaren 27ko 1048/2022 Errege Dekretua, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa- eta kontrol-sistema integratuaren eskabide bakarra arautzeari buruzkoa). Hain zuzen ere, II. tituluaren I. eta II. kapituluetan ezartzen dena bete beharko dute, baita II. tituluaren I. kapituluaren I. kapituluaren (1., 2., 3. eta 4. atalak) eta III. kapituluaren (1. eta 2. atalak) ezartzen dena ere, esku-hartze mota bakoitzaren arabera.

##### **60. artikulua.– Deialdiak eta kudeaketa.**

1.- Euskal Autonomia Erkidegoko Administrazio Orokorrean nekazaritza politika erkidearen arloko eskumena duen sailaren titularraren agindu baten bidez egingo dira esku-hartzeen deialdiak. Laguntzen deialdiak urtero egingo dira, Eskabide Bakarrerako 1048/2022 Errege Dekretuan araututako prozeduraren bidez (abenduaren 27ko 1048/2022 Errege Dekretua, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa- eta kontrol-sistema integratuaren eskabide bakarra arautzeari buruzkoa).

2.- Aurreko artikuluan aipatzen diren esku-hartzeak nekazaritza eta abeltzaintzaren arloko eskumena duen zuzendaritzak kudeatuko ditu. Nolanahi

ere, horrek ez ditu eragotziko Euskal Autonomia Erkidegoko erakunde ordaintzailearen eta Arabako, Bizkaiko eta Gipuzkoako foru-aldundien arteko lankidetzaz hitzarmenen bidez aldundiek eskuordetzaz esleituta dauzkaten eginkizunak, hau da, 2021eko ekainaren 15eko Gobernu Kontseiluan onartutako Europako NBEF eta LGENF funtsen kontura finantzatzutako zuzeneko laguntzen eta landa-garapeneko neurrien kudeaketarako eginkizunak.

#### **61. artikulua.– Ebazpena eta ordainketa.**

Foru-aldundiek eskuordetutako eginkizunak amaitu direla jakinarazi eta esku-hartze bakoitzari indarreko Kontrolen Planaren arabera aplikatu beharreko kontrolak eta egiaztapenak egin ondoren, nekazaritza eta abeltzaintzaren arloko eskumena duen zuzendaritzaren titularrak laguntza ordainduko du, hala badagokio, erakunde ordaintzailearen arduraduna den aldetik.

### **V. KAPITULUA NBEFren KONTURAKO ESKU-HARTZEAK ESKU-HARTZE SEKTORIALAK**

#### **I. ATALA FRUTEN ETA BARAZKIEN SEKTOREA**

#### **62. artikulua.– Aintzatespena.**

1.- Fruta eta barazkien ekoizleen elkarteak eta erakundeak aintzatesteko modua erregulatzen duen araudia honako arau hauetan ezartzen da: dekretu hau, zuzenean aplikatu beharreko Batasunaren araudia, eta maiatzaren 26ko 532/2017 Errege Dekretua, fruta eta barazkien sektoreko ekoizleen elkarteen aintzatespena eta funtzionamendua arautzen dituena.

2.- Fruta eta barazkien ekoizleen elkarteak eta erakundeak aintzatestea (egoitza Euskal Autonomia Erkidegoan duten transnazionalak barne) elikagaien industrien arloko eskumena duen zuzendaritzaren ardura izango da. Organo horrek honako eginkizun hauek izango ditu, entitate horiei dagokienez:

a) Kontrolak, ebaluazioak eta txostenak egitea, eta, esku-hartzeak irauten duen bitartean, zehapenak aplikatzea aintzatespenaren eta jardunaren inguruko baldintzak ez betetzeagatik, honako arau hauetan ezarritako eran: Europako Parlamentuaren eta Kontseiluaren 2013ko abenduaren 17ko 1308/2013 (EB) Erregelamenduaren 154.4 b) artikulua; Batzordearen 2017ko martxoaren 13ko 2017/892 (EB) Betearazpen Erregelamenduaren 24. eta 26. artikulua; eta errege-dekretu hau.

b) Aintzatespenak etetea eta kentzea.

c) 21.1 artikuluan aipatzen den informazioa baliozkotzea, eta maiatzaren 26ko 532/2017 Errege Dekretuak, fruta eta barazkien sektoreko ekoizleen elkarteen aintzatespena eta funtzionamendua arautzen dituenak, 22. artikuluan arautzen dituen komunikazioak egitea.

3.- Aintzatespenen baldintzak eta kategoriak 532/2017 Errege Dekretuaren II., III. eta IV. kapituluetan ezartzen dira (maiatzaren 26ko 532/2017 Errege Dekretua, fruta eta barazkien sektoreko ekoizleen elkarteen aintzatespena eta funtzionamendua arautzen dituenak).

### **63. artikulua.– Programa operatiboetarako laguntzak kudeatzea.**

1.- Fruta eta barazkien ekoizleen elkarteen programa operatiboetarako laguntzak arautzen dituen araudia honako arau hauetan ezartzen da: dekretu hau, zuzenean aplikatu beharreko Batasunaren araudia eta irailaren 21eko 1179/2018 Errege Dekretua, fruta eta barazkien sektoreko ekoizleen elkarteen programa operatiboak eta funtsak arautzen dituenak.

2.- NPEPEn ezartzen diren laguntzak fruta eta barazkien ekoizleen elkarteek soilik jaso ahal izango dituzte. Horretarako, programa operatiboa onartzeko eskabidea aurkeztu beharko diote elikagaien industriaren arloko eskumena duen zuzendaritzari, programa aplikatzen hasi behar den urtearen aurreko urteko irailaren 15erako, gehienez ere.

3.- Programa operatiboak 2017/891 (EB) Erregelamendu Delegetuaren 25. artikuluan ezarritakoaren arabera eratu eta finantzatu diren funts operatiboaren kontura finantzatu dira.

4.- Aintzatespeneko ekoizle elkarte batek funts operatibo bat eratzen badu eta programa operatibo baterako onarpena lortzen badu, honako laguntza hauek eskuratu ahal izango ditu:

a) Batasunaren finantza-laguntza bat, Europako Parlamentuaren eta Kontseiluaren 2013ko abenduaren 17ko 1308/2013 (EB) Erregelamenduaren 32. artikuluan ezartzen denaren arabera.

b) Estatuaren finantza-laguntza bat, 2017/891 (EB) Erregelamenduaren 52. artikuluko baldintzak betez gero, eta 1308/2013 (EB) Erregelamenduaren 35. artikulua aplikatuz.

### **64. artikulua.– Ebazpena eta ordainketa.**

1.- Elikagaien industriaren arloko eskumena duen zuzendaritzak ebazpena emango du programa operatiboa onesteko edo ezesteko, eta horretarako epea, gehienez ere, programa aplikatzen hasi behar den urtearen aurreko urteko



abenduaren 15ean amaituko da edo, bestela, arrazoiak azalduz gero, kasuan kasuko urteko urtarrilaren 20an. Epe horretan ebazpenik ematen ez bada, eskabidea baietsizat hartu ahal izango da. Halaber, behin betiko ebazpena eman baino lehen, elikagaien industrien arloko eskumena duen zuzendaritzak proiektuan aldaketak egitea eskatu ahal izango du. Kasu horretan, proiektua onetsi ahal izateko, aldaketak egin beharko dira. Nolanahi ere, programa operatiboan aldaketa guztiak irailaren 21eko 1179/2018 Errege Dekretuan ezarritakoarekin bat etorri egin beharko dira.

2.- Batasunaren funtsen kontura finantzatzen diren laguntzetan zein Euskal Autonomia Erkidegoko Administrazio Orokorraren aurrekontu orokorren kontura finantzatzen direnetan, ordainketa-eskabideak (ordainketa partziala, amaierakoa edo aurrerakina) elikagaien industrien arloko eskumena duen zuzendaritzari aurkeztu behar zaizkio, denak batera, irailaren 21eko 1179/2018 Errege Dekretuan ezartzen den epearen barruan.

3.- Batasunaren funtsen konturako laguntzak direla-eta, dagozkion egiaztapenak egin ondoren, elikagaien industrien arloko eskumena duen zuzendaritzaren titularrak ordaintzeko proposamena bidaliko dio erakunde ordaintzailearen zuzendariari, eskabideak aurkezteko epea amaitu eta sei hilabeteko epean. Proposamenean, baimendutako laguntzaren zenbatekoa zehaztuko da, edo, bestela, aurrerakinik edo ordainketa partzialik egin bada, laguntzaren saldoa. Proposamena ikusita, proposamena jaso eta, gehienez ere, hilabeteko epean, erakunde ordaintzailearen zuzendariak ebazpena emango du laguntza emateko, ukatzeko edota bermeak eskatzeko, dagokionaren arabera.

4.- Euskal Autonomia Erkidegoko Administrazio Orokorraren aurrekontu orokorren konturako laguntzak direla-eta, hau da, Europako Parlamentuaren eta Kontseiluaren 2013ko abenduaren 17ko 1308/2013 (EB) Erregelamenduaren 35. artikuluan arautzen direnak, dagozkion egiaztapenak egin ondoren, elikagaien industrien arloko eskumena duen zuzendaritzaren titularrak laguntza emateko, ukatzeko edota bermeak eskatzeko ebazpena emango du, eta, bertan, laguntzaren zenbatekoa zehaztuko da, edo, bestela, aurrerakinik edo ordainketa partzialik egin bada, laguntzaren saldoa.

## **2. ATALA**

### **MAHASTIZAINZA ETA ARDOGINTZAKO ESKU-HARTZEAK**

### **MAHASTIEN BERREGITURAKETA ETA BIRMOLDAKETA**

### **UZTA BERDEA**

#### **65. artikulua.– Deialdia eta kudeaketa.**

3. Mahastiak berregituratzeko eta uzta berdeko esku-hartzeen deialdiak urtero egingo ditu nekazaritza politika erkidearen arloko eskumena duen sailaren titularrak.

4. Ustiategiari dagokion lurralde historikoko foru-organoek kudeatuko dute deialdia.

#### **66. artikulua.– Onuradunak.**

905/2022 Errege Dekretuaren 3. artikulua ezartzen dituen baldintzak betetzen dituztenek jaso ditzakete 2024-2027 aldiko mahastizaintzako eta ardogintzako esku-hartze sektorialaren esparruko laguntzak (urriaren 25eko 905/2022 Errege Dekretua, Nekazaritza Politika Erkidearen Plan Estrategikoaren esparruan mahastizaintzako eta ardogintzako esku-hartze sektoriala arautzen duena).

#### **67. artikulua.– Ebazpena eta ordainketa.**

Foru-aldundiek eskuordetutako eginkizunak amaitu direla jakinarazi eta esku-hartze bakoitzari indarreko Kontrolen Planaren arabera aplikatu beharreko kontrolak eta egiaztapenak egin ondoren, nekazaritza eta abeltzaintzaren arloko eskumena duen zuzendaritzaren titularrak laguntza NBEFren kontura ordaintzea ebatziko du, hala badagokio.

### **3. ATALA MAHASTIZAINZA ETA ARDOGINZAKO ESKU-HARTZEAK INBERTSIOAK**

#### **68. artikulua.– Erreferentziazko araudia eta horren aplikazioa.**

1.- Inbertsioetarako laguntzak araudi hauetan daude erregulatuta: dekretu honetan, zuzenean aplikatzen diren Batasunaren erregelamenduetan, eta urriaren 26ko 905/2022 Errege Dekretuan, zeinaren bitartez Nekazaritza Politika Erkidearen Plan Estrategikoaren esparruan mahastizaintzako eta ardogintzako esku-hartze sektoriala arautzen baita.

2.- Urriaren 25eko 905/2022 Errege Dekretuaren 20. artikulua 3. paragrafoan ezarritakoaren ondorioetarako, jardunak hautatu ahal izango dira, inbertsio-aurrekontuaren zenbatekoa edozein dela ere.

#### **69. artikulua.– Onuradun izateko bete beharreko baldintzak.**

10. artikuluan eta aurreko artikulua 1. apartatuan aipatzen den araudian ezartzen diren baldintzez gain, inbertsioetarako laguntzen onuradun izango dira baldintza hauek betetzen dituzten pertsona fisikoak eta juridikoak:

- a) Inbertsioa egingo den establezimendua Euskal Autonomia Erkidegoan egotea.

b) Fisikoki upategi bati lotuta ez dauden merkaturatze-proiektuetarako edo Batasuneko beste estatu batean merkaturatzeko proiektuetarako inbertsioen kasuan, eskatzailearen egoitza fiskala Euskal Autonomia Erkidegoan egotea.

## **70. artikulua.– Deialdiak eta eskabideak.**

1.- Urtero, nekazaritza politika erkidearen arloko eskumena duen sailaren titularraren agindu baten bidez, esku-hartze honetarako laguntzen deialdia egingo da.

2.- Deialdiaren aginduan eskabideak aurkezteko epea ezarriko da, gutxienez, eta deialdian NBEFren kontura emango diren laguntzen guztirako zenbatekoa jakinez gero, hori ere adieraziko da.

3.- Eskabideak elikagaien industrien eskumena duen zuzendaritzari aurkeztu beharko zaizkio.

## **71. artikulua.– Ebazpena eta ordainketa.**

1.- Nekazaritza eta Landa Garapenaren Sektoreko Konferentziak funtsak esleitu ondoren, elikagaien industrien arloko eskumena duen zuzendaritzak dagokion ebazpena emango du eta onuradunei jakinaraziko die.

2.- Aldaketa-eskabideak elikagaien industrien arloko eskumena duen zuzendaritzari aurkeztuko zaizkio, eta horrek ebazpena emango du urriaren 25eko 905/2022 Errege Dekretuan ezartzen diren baldintzak betetzen direla egiaztatu ondoren.

3.- Aurrerakinen eta ordainketa partzialen zein osoen eskabideak ere zuzendaritza horri aurkeztuko zaizkio. Aurrerakina eskatuz gero, zuzendaritzaren titularrak egiaztatuko du urriaren 25eko 905/2022 Errege Dekretuan ezartzen dena betetzen ote den, eta erakunde ordaintzailearen zuzendariari jakinaraziko dio, beharrezkoa den moduan joka dezan.

7. Ordainketa partziala edo osoa eskatuz gero, dagozkion egiaztapenak egin ondoren, elikagaien industrien arloko eskumena duen zuzendaritzaren titularrak ordaintzeko proposamena bidaliko dio erakunde ordaintzailearen zuzendariari, eskabideak aurkezteko epea amaitu eta sei hilabeteko epean. Proposamenean, baimendutako laguntzaren zenbatekoa zehaztuko da, edo, bestela, aurrerakinik edo ordainketa partzialik egin bada, laguntzaren saldoa. Proposamena ikusita, proposamena jaso eta, gehienez ere, hilabeteko epean, erakunde

ordaintzailearen zuzendariak ebazpena emango du laguntza emateko, ukatzeko edota bermeak askatzeko, dagokionaren arabera.

#### **4. ATALA**

### **MAHASTIZAINZA ETA ARDOGINTZAKO ESKU-HARTZEAK**

### **ARDOA SUSTATZEA BESTE HERRIALDE BATZUETAN**

#### **72. artikulua.– Erreferentziazko araudia eta horren aplikazioa.**

Sustapenerako laguntzak araudi hauetan daude erregulatuta: dekretu honetan, zuzenean aplikatzen diren Batasunaren erregelamenduetan, eta urriaren 26ko 905/2022 Errege Dekretuan, zeinaren bitartez Nekazaritza Politika Erkidearen Plan Estrategikoaren esparruan mahastizaintzako eta ardogintzako esku-hartze sektoriala arautzen baita.

#### **73. artikulua.– Onuradun izateko bete beharreko baldintzak.**

10. artikuluan eta aurreko artikuluan aipatzen den erreferentziazko araudian ezartzen diren baldintzez gain, beste herrialde batzuetan ardoa sustatzeko laguntzen onuradun izango dira baldintza hauek betetzen dituzten pertsona fisikoak eta juridikoak:

- a) Egoitza fiskala Euskal Autonomia Erkidegoan izatea.
- b) Ardogintzako industrien kasuan, elikagaien industrien dagokion erregistroan inskribatuta egotea eta datuak eguneratuta izatea. Eskatzailea esportatzaileen elkarte bada edo esportazio partzuergo bada, horiek osatzen dituzten enpresen 2/3, gutxienez, erregistro horretan inskribatuta egotea.

#### **74. artikulua.– Deialdiak eta eskabideak.**

1.- Urtero, nekazaritza politika erkidearen arloko eskumena duen sailaren titularraren agindu baten bidez, esku-hartze honetarako laguntzen deialdia egingo da.

2.- Deialdiaren aginduan eskabideak aurkezteko epea ezarriko da, gutxienez, eta deialdian NBEFren kontura emango diren laguntzen guztirako zenbatekoa jakinez gero, hori ere adieraziko da.

3.- Eskabideak elikagaien industrien eskumena duen zuzendaritzari aurkeztu beharko zaizkio.

#### **75. artikulua.– Ebazpena.**

1.- Nekazaritza eta Landa Garapenaren Sektoreko Konferentzian funtsak banatzeko akordiora iritsi ondoren, elikagaien industriaren arloko eskumena duen zuzendaritzak eskabideak ebatziko ditu eta ebazpenen berri emango die onuradunei.

2.- Aldaketa-eskabideak urriaren 25eko 905/2022 Errege Dekretuan ezartzen diren baldintzak betetzen direla egiaztatu ondoren ebatziko dira.

3.- Aurrerakinen eta ordainketa partzialen zein osoen eskabideak ere zuzendaritza horri aurkeztuko zaizkio. Aurrerakina eskatuz gero, zuzendaritzaren titularrak egiaztatuko du urriaren 25eko 905/2022 Errege Dekretuan ezartzen dena betetzen ote den, eta erakunde ordaintzailearen zuzendariari jakinaraziko dio, beharrezkoa den moduan joka dezan.

Ordainketa partziala edo osoa eskatuz gero, dagozkion egiaztapenak egin ondoren, zuzendaritzaren titularrak ordaintzeko proposamena bidaliko dio erakunde ordaintzailearen zuzendariari, eskabideak aurkezteko epea amaitu eta sei hilabeteko epean. Proposamenean, baimendutako laguntzaren zenbatekoa zehaztuko da, edo, bestela, aurrerakinik edo ordainketa partzialik egin bada, laguntzaren saldoa. Proposamena ikusita, proposamena jaso eta, gehienez ere, hilabeteko epean, erakunde ordaintzaileak ebazpena emango du laguntza emateko, ukatzeko edota bermeak askatzeko, dagokionaren arabera.

## **5. ATALA.**

### **ERLEZAINZAKO ESKU-HARTZEA**

#### **76. artikulua.– Deialdiak eta kudeaketa.**

1.- Erlezaintzako esku-hartzeen urteko deialdia foru-aldundiek egin behar dute, eta deialdian, gutxienez, dekretu honetan ezarritako alderdi guztietatik aplikagarri zaizkionak agertu beharko dira, eta NPEPEn eta Batasunaren eta Estatuaren arau aplikagarrietan ezartzen dena bete beharko da.

2.- Ustiategiari dagokion lurralde historikoko foru-organismoek kudeatuko dituzte erlezaintzako esku-hartzeak.

#### **77. artikulua.– Onuradunak.**

905/2022 Errege Dekretuaren 4. artikulua ezartzen dituen baldintzak betetzen dituztenek jaso ditzakete erlezaintzako esku-hartze sektorialaren esparruko laguntzak (urriaren 25eko 905/2022 Errege Dekretua, NPEPEren esparruan mahastizaintzako eta ardogintzako esku-hartze sektoriala arautzen duena).

## **78. artikulua.– Ebazpena eta ordainketa.**

Foru-aldundiek eskuordetutako eginkizunak amaitu direla jakinarazi eta esku-hartze bakoitzari indarreko Kontrolen Planaren arabera aplikatu beharreko kontrolak eta egiaztapenak egin ondoren, nekazaritza eta abeltzaintzaren arloko eskumena duen zuzendaritzak, erakunde ordaintzailearen zuzendari gisa, laguntza NBEFren kontura ordaintzea ebatziko du, hala badagokio.

## **VI. KAPITULUA LGENFren KONTURAKO ESKU-HARTZEAK**

### **1. ATALA LGENFk ETA FORU-ALDUNDIEK MODU BATERATUAN FINANTZATUTAKO ESKU-HARTZEEN KUDEAKETA**

## **79. artikulua.– Kudeaketa eta deialdiak.**

1.- 14. artikulua 2. apartatuan aipatzen diren esku-hartzeak lurralde historikoetako foru-aldundietako sail eskudunek kudeatu eta kontrolatuko dituzte.

2.- Horretarako, foru-aldundiek egokitzat jotako esku-hartze horien deialdiak eta garatzeko arauak argitaratuko dituzte. Deialdietan edota garatzeko arauetan, dekretu honetan ezartzen diren edukiak agertu beharko dira gutxienez, kasu bakoitzeko esku-hartzeari dagozkionak. Eduki horiek bat etorriko dira NPEPEn eta Batasunaren eta Estatuaren araudi aplikagarrietan ezartzen direnekin.

3.- Laguntzen deialdiak urtero egingo dira. Nolanahi ere, gerta liteke ekitaldi batean esku-hartze batzuen deialdirik ez egitea aurrekontu-arazoengatik edo deialdia eragozten duten bestelako inguruabar batzuegatik.

## **80. artikulua.– Onuradunak.**

Foru-aldundiek egiten dituzten deialdietako laguntzen onuradunak NPEPEn esku-hartze bakoitzerako ezarritakoak izango dira.

## **81. artikulua.– Ebazpena eta ordainketa.**

1.- Esku-hartze bakoitzean indarreko Kontrolen Planaren arabera egin beharreko kontrolak eta egiaztapenak egin ondoren, foru-organo eskudunek dagokion ebazpena emango dute. Ebazpen horretan, hala badagokio, adieraziko da onuradunari laguntza osoa ordainduko zaiola, bai foru-organoaren aurrekontuen kontura finantzatzen den zatia, bai LGENFren kontura finantzatzen dena. Onuradunei laguntza osoa ordaindutakoan, foru-organoek erakunde



ordaintzaileari eskatuko diote ordain dezala LGENFren kontura finantzatutako zatia, baldin eta funts horretan foru-organo eskatzailearen aldeko funtsik badago dena delako esku-hartzerako. Esku-hartze baterako LGENF funtsak agortuta badaude, laguntzak Estatuko finantzaketa osagarritzat hartuko dira.

2.- Foru-aldundien ordainketa-eskaeren inguruko egiaztapenak egin ondoren, erakunde ordaintzaileak LGENF funtsak ordainduko ditu eta foru-aldundiei emango dizkie haiek aurreratutako diru-kopuruak, esku-hartze bakoitzerako ezarritako finantzaketa bateratuko tasa aplikatuz eta abenduaren 9ko 275/2020 Dekretuan xedatzen denarekin bat etorriz.

## **2. ATALA**

### **LGENFk ETA EUSKAL AUTONOMIA ERKIDEGOKO ADMINISTRAZIOAK MODU BATERATUAN FINANTZATUTAKO ESKU-HARTZEEN KUDEAKETA**

#### **82. artikulua.– Kudeaketa eta deialdiak.**

1.- 14. artikulua 3. apartatua aipatzen diren esku-hartzeak indarrean dagoen egitura organikoari buruzko dekretuan ezartzen denaren arabera kudeatu eta kontrolatuko dituzte gaiaren gaineko eskumena duen saileko zuzendaritzek.

2.- Nekazaritza politika erkidearen arloko eskumena duen sailaren titularraren agindu baten bidez, esku-hartzeen deialdia egingo da, hurrengo apartatueta zehazten diren salbuespenekin. Laguntzen deialdiak urtero egingo dira. Nolanahi ere, gerta liteke ekitaldi batean esku-hartze batzuen deialdirik ez egitea aurrekontuaren eskuragarritasunagatik edo deialdia eragozten duten bestelako inguruabar batzuegatik. Agindu horietan, dekretu honetan ezartzen diren edukiak agertuko dira gutxienez, kasu bakoitzeko laguntza-deialdiaren esku-hartzeari dagozkionak. Eduki horiek bat etorriko dira NPEPEn eta Batasunaren eta Estatuaren araudi aplikagarrietan ezartzen direnekin.

3.- Aurreko apartatua xedatutakoa gorabehera, ezagutzen transferentzia eta trebakuntzarako eta informazio jardueretarako esku-hartzea ez da bideratuko Eusko Jaurlaritzaren laguntza-deialdien bitartez, esku-hartze horren ardura HAZI fundazioak baitauka, Eusko Jaurlaritzaren bitarteko propioa den aldetik.

4.- Bigarren apartatua xedatutakoa gorabehera, kudeaketa-agintaritzaren laguntza teknikorako esku-hartzea ez da bideratuko laguntza-deialdien bitartez; izan ere, esku-hartze horren helburua da NPEPE EAEn ondo aplikatzeko beharrezkoak diren ekintzak finantzatzea, eta hori kudeaketa-agintaritzak egin behar du NPEPE indarrean dagoen bitartean, baliabide propioak erabiliz zein kontratazio publikoaren bidez.

5.- LEADER esku-hartzea dela-eta, Partaidetzan oinarritutako Tokiko Garapenerako Estrategien (PTGE) esparruko jardunak finantzatzeko laguntzen deialdiak aurrez hautatutako Toki Ekintzako Taldeek (TET) egingo dituzte, PTGE horiek abian jartzeko. TETen lankidetzaproiektuen eta TETen funtzionamendugastuen inguruko jardueren kasuan, ez da laguntza-deialdirik egongo.

### **83. artikulua.– Onuradunak.**

Euskal Autonomia Erkidegoko Administrazio Orokorrak egiten dituen deialdietako laguntzen onuradunak NPEPEn esku-hartze bakoitzerako ezarritakoak izango dira.

### **84. artikulua.– Ebazpena eta ordainketa.**

1.- Esku-hartze bakoitzari indarreko Kontrolen Planaren arabera aplikatu beharreko kontrolak eta egiaztapenak egin ondoren, esku-hartzearen ardura duen zuzendaritzak ebazpen bakar baten bidez ebatziko du laguntza bere aurrekontuen kontura ordaintzea, hala badagokio, eta erakunde ordaintzaileari proposatuko dio ordain dezala LGENFren zatia. Gainera, ebazpena jakinaraziko du eta onuradun bakoitzari Euskal Autonomia Erkidegoko aurrekontuen kontura finantzatzen den laguntza-zatia ordainduko dio, esku-hartze bakoitzerako ezarritako finantzaketa bateratuko tasa aplikatuz.

2.- Behar diren baldintzak eta Batasunaren araudia betetzen ote diren egiaztatzeko egin beharrezko kontrolak egin ondoren, erakunde ordaintzaileak ebazpen bat emango du LGENFren kontura finantzatzen den laguntzaren zatia bakarrik ordaintzeko, eta onuradun bakoitzari laguntza-zati hori ordainduko dio, esku-hartze bakoitzerako ezarritako finantzaketa bateratuko tasa aplikatuz.

3.- Esku-hartze horiek onuradunei emateko eta ordaintzeko, ezinbestekoa izango da amaituta egotea EAEko administrazio publikoek eta haien erakunde autonomoek emandako izaera bereko esku-hartze edo dirulaguntzen inguruan hasi eta artean izapidetzen ari diren itzulketa-prozedura eta zehapen-prozedura guztiak.

## **3. ATALA**

### **LANDA-EREMUEN KARAKTERIZAZIOA**

### **85. artikulua.– Landa-eremuak identifikatzeko parametroak.**

Landa-entitatetzat jotzen dira EUSTATen hala erregistratutako biztanleria-entitate bereziak, lurzoruaren hirigintza-kalifikazioa gorabehera, baldin eta horietan 2.000 biztanle edo gutxiago badaude errolatuta, edo, 2.000 biztanle baino gehiago egonik, dagokien udalerrian nekazaritzako balio erantsi gordina balio erantsi gordin osoaren % 3koa edo altuagoa bada. Gainera, hiri-



entitateetan landa-eremuak zehazten dira, UDALPLAN-Informazio geografikoaren sistema eta lurralde-datuen bankuan lurzoru urbanizaezin gisa agertzen diren eremuak abiaburutzat hartuta. (<https://www.euskadi.eus/web01-a3lurap3/es/aa33aWAR/interfacesJSP/index.jsp?lang=es>)

## 86. artikulua.– Landa-eremuak kategorizatzeko irizpideak eta kalteberatasun-mailak.

1.- Landa-eremuen karakterizazioa honako garapen-eremu hauetarako egin da: jarduera ekonomikoaren sustapena eta dibertsifikazioa, eta bizi-kalitatea eta ongizatea..

2.- Zenbait irizpide eta parametro erabili dira landa-eremuen karakterizaziorako garapen-eremu bakoitzean (demografikoak, geografikoak, ekonomikoak eta zerbitzuen eta komunikabideen irisgarritasunaren ingurukoak). Hauek dira:

Jarduera ekonomikoaren sustapena eta dibertsifikazioa	Ongizatea hobetzea
<ul style="list-style-type: none"> <li>▪ Errepide nagusietara heltzeko distantzia (km)</li> <li>▪ Okupazio-tasa (%)</li> <li>▪ Zerbitzu-establezimenduen kopurua</li> <li>▪ Batez besteko malda (%)</li> <li>▪ Prestakuntza-maila (lanbide-heziketa eta goi-mailako heziketa) (%)</li> <li>▪ Nekazaritzako BEGd (%)</li> <li>▪ Udalerriko biztanleria</li> </ul>	<ul style="list-style-type: none"> <li>▪ Lehen hezkuntzako eskoletara heltzeko distantzia (km)</li> <li>▪ 10.000 biztanletik gorako herri batera heltzeko distantzia (km)</li> <li>▪ Errenta pertsonala (€)</li> <li>▪ Etxebizitza nagusia (%)</li> <li>▪ Elkarteen kopurua</li> <li>▪ Zerbitzu-establezimenduen kopurua (txikizkako merkataritza eta ostalaritza)</li> <li>▪ Batez besteko malda (%)</li> <li>▪ Udalerriko biztanleria</li> </ul>

3.- Ezarri diren bi garapen-eremuetan, udalerrri kalteberenak eta larrien daudenak aztertzeko, bai ekonomiari eta ongizateari dagokienez, bai demografiari eta lehen sektorearekiko mendekotasunari dagokienez, arreta bereziko eremuak (ABE) identifikatu dira. Arreta bereziko eremuak identifikatzeko, irizpide eta parametro hauek erabili dira:

- Biztanleriaren bilakaera (%)
- Zahartzea (%)
- Maskulinitatea (tasa)
- Per capita errenta (€)

- BPGd
- Nekazaritzako BEGd (%)
- Udalerriko biztanleria

4.- Aurreko bi apartatuetan aipatzen diren irizpideen arabera balioak aztertu eta ordenan jarri dira, eta garapen-eremu bakoitzeko landa-eremuak 4 kalteberatasun-mailatan sailkatu dira, 1. mailakoak izanik kalteberenak:

- d) Arreta bereziko eremuei (ABE) kalteberatasun-maila gorena ezarri zaie (V1), eta garapen-eremuetako bakoitzean sartu dira.
- e) Gainerako landa-entitateak V2, V3 eta V4 kalteberatasun-mailetan sailkatu dira. Kalteberatasun-mailak pertzentilen arabera emaitzen banaketari jarraikiz ezarri dira. Kalteberatasun-maila bakoitzari % 33,3 esleitu zaio eremu bakoitzerako eraturako adierazlearen arabera.
- f) Hiri-entitateetako landa-eremuak entitate bakartzat jo dira, eta kalteberatasun-maila txikiena esleitu zaie guztiei: V4.

4.- Dekretu honetan onesten den landa-eremuen karakterizazioa (4 kalteberatasun-maila, finkatutako eremu bakoitzerako) Euskal Autonomia Erkidegoko Administrazio Orokorraren Egoitza Elektronikokoan ikus daitezke: [www.euskadi.eus](http://www.euskadi.eus)

### **87. artikulua.– Karakterizazioa aldatzea.**

Landa-eremuak bilakatu, garatu eta hazi egiten dira, eta ondorioz baliteke dekretu honetan garapen-eremuetarako onetsitako kalteberatasun-mailak edo EAEko entitateen lurralde-oinarria aldatzea. Aldaketarik izanez gero, Euskal Herriko Agintaritzaren Aldizkarian argitaratuko dira nekazaritza politika erkidearen arloko eskumena duen sailaren titularraren agindu baten bidez. Halaber, garapen-eremu berrien analisiaren eta karakterizazioaren ondoriozko aldaketa guztiak ere argitaratuko dira.

**LEHENENGO XEDAPEN GEHIGARRIA.– Arau-aipamenak. Dekretu honetan (eranskinak barne) agertzen diren Europako, Estatuko eta EAEko arauen aipamenak aldian-aldian horiek ordezkatzeko edo aldatzeko dituzten arauak buruzkoak direla ulertu behar da.**

Gainera, ulertu behar da sailen eta administrazio-organoen aipamenak honako hauei buruzkoak direla: Euskal Autonomia Erkidegoko Administrazio

sailak sortzen, ezabatzen eta aldatzen dituen eta horien egitekoak eta eremuak finkatzen dituen indarreko dekretuaren arabera gai bakoitzaren gaineko eskumena duen sailari buruzkoak eta egitura organikoaren eta funtzionalaren arabera eskumena duen zuzendaritzari buruzkoak.

**BIGARREN XEDAPEN GEHIGARRIA.– Esku-hartze berrien publikotasuna. 13. eta 14. artikuluetan aipatzen diren esku-hartzeak gorabehera, nekazaritza politika erkidearen arloko eskumena duen sailaren titularraren agindu baten bidez, argitara emango dira programazioak irauten duen bitartean EAEn ezartzeko hautatzen diren esku-hartze berriak.**

Aipatutako publikotasuna laguntzen deialdia egin aurretik aplikatuko da, eta dekretu honetan eta aplikatu beharreko gainerako araudian ezartzen diren preskripzioak aplikatuko zaizkie laguntzei.

**XEDAPEN IRAGANKORRA.– Euskadiko Landa Garapenerako Programa 2015-2020: luzapena.**

Laugarren xedapen indargabetzaileari inolako kalterik egin gabe, Landa Garapenerako Europako Nekazaritza Funtsak finantzatzen dituen Euskadiko Landa Garapenerako Programako (2015-2020) esku-hartzeen programen iraunaldia honen arabera luzatu ahal izango da: Europako Parlamentuaren eta Kontseiluaren 2020ko abenduaren 23ko 2020/2220 (EB) Erregelamendua, zeinaren bitartez zenbait xedapen iragankor ezartzen baitira Landa Garapenerako Europako Nekazaritza Funtsaren (LGENF) eta Nekazaritza Bermatzeko Europako Funtsaren (NBEF) laguntzarako, 2021. eta 2022. urteetan; eta zeinaren bitartez aldatu egiten baitira ondorengo erregelamenduak: 1305/2013 (EB), 1306/2013 (EB) eta 1307/2013 (EB), errekurtsioei eta erregelamenduaren aplikazioari dagokionez, 2021. eta 2022. urteetan; eta 1308/2013 (EB) Erregelamendua, errekurtsioei eta laguntza horren banaketari dagokionez, 2021. eta 2022. urteetan.

**LEHENENGO XEDAPEN INDARGABETZAILEA.– Arauak indargabetzea.**

Indargabetuta geratzen da otsailaren 16ko 20/2016 Dekretua, Euskal Autonomia Erkidegoan honako hauek garatu eta aplikatzeko: Nekazaritza Politika Erkidearen (NPE) zuzeneko laguntzen erregimenak, Nekazaritzako Lursailak Identifikatzeko Informazio Geografikoaren Sistema (SIGPAC) eta laguntzen onuradunek bete beharreko baldintzak.

**BIGARREN XEDAPEN INDARGABETZAILEA.– Arauak indargabetzea.**

Indargabetuta geratzen da urtarrilaren 26ko 30/2010 Dekretua, Europako Erkidegoak fruten eta barazkien arloa arautzeko sortuak dituen erregelamenduak



eta erregelamendu horietatik datorren laguntza-sistema Euskal Autonomia Erkidegoan nola garatu eta aplikatu arautzen duena.

#### **HIRUGARREN XEDAPEN INDARGABETZAILEA.– Arauak indargabetzea.**

Indargabetuta geratzen da abenduaren 9ko 227/2014 Dekretua, Euskal Autonomia Erkidegoan mahastizaintza eta ardogintzaren sektorea laguntzeko Europar Batasunak emandako neurriak garatzekoa eta aplikatzekoa.

#### **LAUGARREN XEDAPEN INDARGABETZAILEA.– Arauak indargabetzea.**

Indargabetuta geratzen da otsailaren 14ko 43/2017 Dekretua, zeinaren bidez 2015-2020 aldirako Euskadiko Landa Garapenerako Programan jasota dauden laguntzen esparru-araudia ezartzen baita.

#### **AZKEN XEDAPENETAKO LEHENENGOA.– Garatzeko eta moldatzeko ahalmena.**

Ahalmena ematen zaio nekazaritza politika erkidearen arloko eskumena duen sailburuari, agindu bidez eman ditzan behar diren xedapenak, dekretu hau Europako araudian eta, hala badagokio, Estatuaren oinarrizko legerian dauden aldaketetara egokitzeko.

#### **AZKEN XEDAPENETAKO BIGARRENA.– Indarrean jartzea.**

Dekretu hau Euskal Herriko Agintaritzaren Aldizkarian argitaratu eta hurrengo egunean jarriko da indarrean.

Vitoria-Gasteizen, 2023ko .....aren ...(e)(a)n.

Lehendakaria,  
IÑIGO URKULLU RENTERIA.

Ekonomiaren Garapen, Jasangarritasun eta Ingurumeneko sailburua,  
MARIA ARANZAZU TAPIA OTAEGI.

## I. ERANSKINA

### A.- Nekazaritza Politika Erkideari buruzko Batasuneko araudia

Plan estrategikoei buruzko arauak.	Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamendua, nekazaritza politika erkidearen esparruan estatu kideek egin beharreko plan estrategikoetarako laguntzari buruzko arauak ezartzen dituen (NPEren plan estrategikoak) –Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) kontura finantzatuta– eta 1305/2013 (EB) Erregelamendua eta 1307/2013 (EB) Erregelamendua indargabetzen dituen. <a href="https://www.boe.es/doue/2021/435/L00001-00186.pdf">https://www.boe.es/doue/2021/435/L00001-00186.pdf</a>
Finantzaketari, kudeaketari eta jarraipenari buruzko arauak.	Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamendua, nekazaritza politika erkidearen finantzaketari, kudeaketari eta jarraipenari buruzkoa eta 1306/2013 (EB) Erregelamendua indargabetzen duena. <a href="https://www.boe.es/doue/2021/435/L00187-00261.pdf">https://www.boe.es/doue/2021/435/L00187-00261.pdf</a>
Merkatuen antolaketa erkideari buruzko arauak.	Europako Parlamentuaren eta Kontseiluaren 2021eko abenduaren 2ko 2021/2117 Erregelamendua (EB), honako hauek aldatzen dituen: 1308/2013 Erregelamendua (EB), nekazaritza-produktuen merkaturaren antolaketa erkidea sortzen duena; 1151/2012 Erregelamendua (EB), nekazaritzako produktuen eta elikagaien kalitate-araubideei buruzkoa; Europako Parlamentuaren eta Kontseiluaren 251/2014 Erregelamendua (EB), mahastizaintza eta ardogintzako

	<p>produktu aromatizatuen adierazpen geografikoen definizio, deskribapen, aurkezpen, etiketatu eta babesari buruzkoa, eta 228/2013 Erregelamendua (EB), nekazaritza sektorean Europar Batasuneko eskualde ultraperiferikoen aldeko neurri espezifikoak ezartzen dituena.</p> <p><a href="https://www.boe.es/doue/2021/435/L00262-00314.pdf">https://www.boe.es/doue/2021/435/L00262-00314.pdf</a></p>
<p>Aplikatu beharreko erregelamendu erkideak.</p>	<p>Batzordearen 2021eko abenduaren 7ko 2022/126 (EB) Erregelamendu Delegatua, zeinaren bitartez Europako Parlamentuaren eta Kontseiluaren 2021/2115 (EB) Erregelamendua osatzen baita, estatu kideek, erregelamendu horren arabera, 2023-2027ko NPEren plan estrategikoetan zehaztutako esku-hartze mota jakin batzuen baldintza osagarriei dagokienez, eta nekazaritza eta ingurumen baldintza egokietako (NIBE) 1. arauaren inguruko proportzioaren arauari dagokienez.</p> <p><a href="https://www.boe.es/doue/2022/020/L00052-00094.pdf">https://www.boe.es/doue/2022/020/L00052-00094.pdf</a>,</p> <p>Batzordearen 2021eko abenduaren 7ko 2022/127 (EB) Erregelamendu Delegatua, Europako Parlamentuaren eta Kontseiluaren 2021/2116 (EB) Erregelamendua osatzen duena erakunde ordaintzaileei eta beste organo batzuei, finantza-kudeaketari, kontuen likidazioari, bermeei eta euroaren erabilerari dagokienez.</p> <p><a href="https://www.boe.es/doue/2022/020/L00095-00130.pdf">https://www.boe.es/doue/2022/020/L00095-00130.pdf</a></p> <p>Batzordearen 2021eko abenduaren 21eko 2022/128 (EB) Betearazpen Erregelamendua, zeinaren bidez ezartzen baitira Europako Parlamentuaren eta Kontseiluaren 2021/2116 (EB) Erregelamendua aplikatzeko xedapenak gai</p>

hauei dagokienez: erakunde ordaintzaileak eta beste organo batzuk, finantza-kudeaketa, kontuen likidazioa, kontrolak, bermeak eta gardentasuna.

<https://www.boe.es/doue/2022/020/L00131-00196.pdf>

Batzordearen 2021eko abenduaren 21eko 2022/129 (EB) Betearazpen Erregelamendua, Europako Parlamentuaren eta Kontseiluaren 2021/2115 (EB) Erregelamenduari jarraikiz olio-haziei, kotoiari eta ardogintzako azpiproduktuei dagozkien esku-hartze motetarako arauak ezartzen dituen, bai eta Batasunaren laguntzarekin eta NPEren plan estrategikoekin lotutako informazio-, publizitate- eta ikusgarritasun-arloko betekizunetarako ere.

<https://www.boe.es/doue/2022/020/L00197-00205.pdf>

Batzordearen 2023ko urtarrilaren 18ko 2023/130 (EB) Betearazpen Erregelamendua, zeinaren bidez arauak ezartzen baitira Europako Parlamentuaren eta Kontseiluaren 2021/2115 (EB) Erregelamendua aplikatzeko, urteko errendimenduari buruzko txostenaren aurkezpenari dagokionez.

<https://www.boe.es/doue/2023/017/L00077-00083.pdf>

Batzordearen 2021eko abenduaren 21eko 2021/2289 (EB) Betearazpen Erregelamendua, zeinaren bidez xedapenak ezartzen baitira Europako Parlamentuaren eta Kontseiluaren 2021/2115 (EB) Erregelamendua aplikatzeko NPEren plan estrategikoen edukiak aurkezteko moduari eta informazioa segurtasunez trukatzeko sistema elektronikoari dagokienez.

<https://www.boe.es/doue/2021/458/L00463-00485.pdf>

Batzordearen 2021eko abenduaren 21eko 2021/2290 (EB) Betearazpen Erregelamendua, zeinaren bidez arauak ezartzen baitira 2021/2115 (EB) Erregelamenduaren I. eranskinean ezarritako betearazpen-adierazle eta emaitza-adierazle komunak kalkulatzeko metodoei buruz (Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamendua, nekazaritza politika erkidearen esparruan estatu kideek egin behar dituzten plan estrategikoetarako –NPEren plan estrategikoak– laguntzari buruzko arauak ezartzen dituena –Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) kontura finantzatuta– eta 1305/2013 (EB) Erregelamendua eta 1307/2013 (EB) Erregelamendua indargabetzen dituena).

<https://www.boe.es/doue/2021/458/L00486-00493.pdf>

Batzordearen 2022ko irailaren 6ko 2022/1475 (EB) Betearazpen Erregelamendua, zeinaren bidez xedapenak ezartzen baitira Europako Parlamentuaren eta Kontseiluaren 2021/2115 (EB) Erregelamendua aplikatzeko NPEren plan estrategikoen ebaluazioari eta jarraipenerako eta ebaluaziorako informazioa emateari dagokienez.

<https://www.boe.es/doue/2022/232/L00008-00036.pdf>

Europako Parlamentuaren eta Kontseiluaren 2021eko ekainaren 24ko



	<p>2021/1060 (EB) Erregelamendua, zeinaren bitartez ezartzen baitira Eskualde Garapeneko Europako Funtsari, Europako Plus Gizarte Funtsari, Kohesio Funtsari, Bidezko Trantsizio Funtsari eta Itsasoko, Arrantzako eta Akuikulturako Europako Funtsari buruzko xedapen komunak, bai eta funts horietarako eta honako hauetarako finantza-arauak ere: Asilo, Migrazio eta Gizarteratzeko Funtsa, Barne Segurtasuneko Funtsa eta Mugak eta Bisatuen Politika Kudeatzeko Laguntza Finantzariorako Tresna (artikulu batzuei aplikatzen zaizkie).</p> <p><a href="https://www.boe.es/doue/2021/231/L00159-00706.pdf">https://www.boe.es/doue/2021/231/L00159-00706.pdf</a></p>
--	---

## B.- Nekazaritza Politika Erkideari buruzko Estatuko oinarrizko araudia

<p>NPE 2023-27 kudeatzeko sistema ezartzen duen legea.</p>	<p>Abenduaren 23ko 30/2022 Legea, Nekazaritza Politika Erkidea kudeatzeko sistema eta hari lotutako beste gai batzuk arautzen dituena.</p> <p><a href="https://www.boe.es/buscar/act.php?id=BOE-A-2022-22127">https://www.boe.es/buscar/act.php?id=BOE-A-2022-22127</a></p>
<p>Laguntzen gobernantzari, kudeaketari eta kontrolari buruzko arauak. Ustiatzearen informazio sistema (SIEX) ere hemen sartzen da, Administrazioak ustiatzei buruz bilduta daukan informazio guztia biltzen duen tresna bakar gisa.</p>	<p>Abenduaren 27ko 1046/2022 Errege Dekretua, Espainiako Nekazaritza Politika Erkidearen Plan Estrategikoaren, Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) gobernantza arautzen duena.</p> <p><a href="https://www.boe.es/buscar/pdf/2022/BOE-A-2022-23046-consolidado.pdf">https://www.boe.es/buscar/pdf/2022/BOE-A-2022-23046-consolidado.pdf</a></p> <p>Abenduaren 27ko 1047/2022 Errege Dekretua, Nekazaritza Politika Erkidearen Plan Estrategikoaren esparruko esku-hartzeak eta beste laguntza batzuk kudeatzeko eta kontrolatzeko sistema arautzen duena.</p> <p><a href="https://www.boe.es/buscar/act.php?id=BOE-A-2022-23047">https://www.boe.es/buscar/act.php?id=BOE-A-2022-23047</a>,</p>

	<p>Abenduaren 27ko 1054/2022 Errege Dekretua, zeinaren bitartez ezartzen eta arautzen baitira Nekazaritza eta Abeltzaintza Ustiatgien eta Nekazaritza Ekoizpenaren Informazio Sistema, Nekazaritza Ustiatgien Erregistro Autonomikoa eta Nekazaritza Ustiatgiaren Koaderno Digitala.</p> <p><a href="https://www.boe.es/buscar/pdf/2022/BOE-A-2022-23054-consolidado.pdf">https://www.boe.es/buscar/pdf/2022/BOE-A-2022-23054-consolidado.pdf</a></p>
<p>Laguntzak eskuratzeko betekizunak eta baldintzak ezartzen dituzten arauak. Hain zuzen ere, baldintzak, laguntza-eskubideak, NPEPEko esku-hartzeak eta esku-hartze sektorialak.</p>	<p>Abenduaren 27ko 1045/2022 Errege Dekretua, Nekazaritza Politika Erkidearen esparruan jasangarritasuna bultzatzeko errentaren oinarriko laguntzaren eskubideei buruzkoa.</p> <p><a href="https://www.boe.es/buscar/act.php?id=BOE-A-2022-23045">https://www.boe.es/buscar/act.php?id=BOE-A-2022-23045</a></p> <p>Abenduaren 27ko 1048/2022 Errege Dekretua, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa- eta kontrol-sistema integratuaren eskabide bakarra arautzeari buruzkoa.</p> <p><a href="https://www.boe.es/buscar/act.php?id=BOE-A-2022-23048">https://www.boe.es/buscar/act.php?id=BOE-A-2022-23048</a></p> <p>Abenduaren 27ko 1049/2022 Errege Dekretua, zeinaren bitartez ezartzen baita zer arau erabiliko diren Nekazaritza Politika Erkidearen esparruko laguntzen onuradunek bete behar dituzten baldintza sozialak eta indartuak aplikatzeko, baldin eta zuzeneko ordainketak, landa-garapeneko urteko ordainketa jakin batzuk eta Urrun eta Uharteetan egoteagatiko Aukera Espezifikoen Programaren ordainketak (POSEI) jasotzen badituzte.</p> <p><a href="https://www.boe.es/buscar/pdf/2022/BOE-A-2022-23049-consolidado.pdf">https://www.boe.es/buscar/pdf/2022/BOE-A-2022-23049-consolidado.pdf</a></p>
<p>Sektoreko arauak (frutei eta barazkiei, ardoari eta erlezaintzari eragiten dietenak).</p>	<p>Urriaren 11ko 855/2022 Errege Dekretua, beste errege-dekretu hau aldatzen duena: maiatzaren 26ko 532/2017 Errege Dekretua, Fruta- eta barazki-sektoreko ekoizleen elkarteen aintzatespena eta funtzionamendua arautzen dituena.</p>

<https://www.boe.es/boe/dias/2022/10/12/pdfs/BOE-A-2022-16584.pdf>

Urriaren 11ko 856/2022 Errege Dekretua, beste errege-dekretu hau aldatzen duena: irailaren 21eko 1179/2018 Errege Dekretua, Fruta- eta barazki-sektoreko ekoizleen elkarteen funts eta programa eragileak arautzen dituena.

<https://www.boe.es/boe/dias/2022/10/12/pdfs/BOE-A-2022-16585.pdf>

Urriaren 11ko 857/2022 Errege Dekretua, Fruta- eta barazki-sektoreko ekoizleen elkarteen eta haien antolakundeen funts eta programa eragileak arautzen dituena, Nekazaritza Politika Erkidearen Plan Estrategikoaren esku-hartze sektorialaren esparruan.

<https://www.boe.es/buscar/pdf/2022/BOE-A-2022-16586-consolidado.pdf>

Urriaren 25eko 905/2022 Errege Dekretua, Nekazaritza Politika Erkidearen Plan Estrategikoaren esparruan mahastizaintzako eta ardogintzako esku-hartze sektoriala arautzen duena.

<https://www.boe.es/buscar/pdf/2022/BOE-A-2022-17475-consolidado.pdf>

Urriaren 25eko 906/2022 Errege Dekretua, Nekazaritza Politika Erkidearen Plan Estrategikoaren esparruan erlezaintzako esku-hartze sektoriala arautzen duena.

<https://www.boe.es/buscar/act.php?id=BOE-A-2022-17476>

Urtarrilaren 24ko 32/2023 Errege Dekretua, errege-dekretu hau aldatzen duena: urriaren 29ko 1338/2018 Errege Dekretua, mahastizaintzako ekoizpen ahalmena arautzen duena.

<https://www.boe.es/boe/dias/2023/01/25/pdfs/BOE-A-2023-2024.pdf>

<p>Nekazaritzako jardueraren zenbait esparru arautzen dituzten arauak, jarduera-sektoreen arabera aplikatzen direnak. Ongarriei, produktu fitosanitarioei, antibiotikoei, nitratoei eta abereen garraioari buruzko arauak.</p>	<p>Urtarrilaren 18ko 47/2022 Errege Dekretua, nekazaritza-jatorria duten nitratoek eragindako kutsadura lausoaren aurka urak babesteari buruzkoa.  <a href="https://www.boe.es/buscar/pdf/2022/BOE-A-2022-860-consolidado.pdf">https://www.boe.es/buscar/pdf/2022/BOE-A-2022-860-consolidado.pdf</a></p> <p>Azaroaren 29ko 992/2022 Errege Dekretua, abeltzaintza-intereseko espezieetan antibiotikoen erabilera jasangarria lortzeko jarduera-esparrua ezartzen duena.  <a href="https://www.boe.es/buscar/pdf/2022/BOE-A-2022-21136-consolidado.pdf">https://www.boe.es/buscar/pdf/2022/BOE-A-2022-21136-consolidado.pdf</a></p> <p>Azaroaren 29ko 990/2022 Errege Dekretua, animaliak garraiatzean bete beharreko osasun- eta babes-arauei buruzkoa.  <a href="https://www.boe.es/buscar/pdf/2022/BOE-A-2022-19912-consolidado.pdf">https://www.boe.es/buscar/pdf/2022/BOE-A-2022-19912-consolidado.pdf</a></p> <p>Abenduaren 27ko 1050/2022 Errege Dekretua, beste errege-dekretu hau aldatzen duena: irailaren 14ko 1311/2012 Errege Dekretua, produktu fitosanitarioen erabilera jasangarria lortzeko jarduera-esparrua ezartzen duena.  <a href="https://www.boe.es/boe/dias/2022/12/29/pdfs/BOE-A-2022-23051.pdf">https://www.boe.es/boe/dias/2022/12/29/pdfs/BOE-A-2022-23051.pdf</a></p> <p>Abenduaren 27ko 1051/2022 Errege Dekretua, laborantzako lurzoruen nutrizio jasangarrirako arauak ezartzen dituena.  <a href="https://www.boe.es/buscar/pdf/2022/BOE-A-2022-23052-consolidado.pdf">https://www.boe.es/buscar/pdf/2022/BOE-A-2022-23052-consolidado.pdf</a></p>
<p>Zehapenei buruzko arauak.</p>	<p>Otsailaren 28ko 147/2023 Errege Dekretua, zeinaren bidez Nekazaritza Politika Erkidearen Plan Estrategikoan jasotako esku-hartzeetan zigorrak aplikatzeko arauak ezartzen baitira, eta 2023-2027 aldirako Nekazaritza Politika Erkidea Espainian aplikatzearekin lotutako zenbait alderdi arautzen dituzten errege-dekretu batzuk aldatzen baitira.  <a href="https://www.boe.es/buscar/pdf/2023/BOE-A-2023-5370-consolidado.pdf">https://www.boe.es/buscar/pdf/2023/BOE-A-2023-5370-consolidado.pdf</a></p>



Animalien ongizateari buruzko araudia.	Martxoaren 7ko 159/2023 Errege Dekretua, zeinaren bidez xedapenak ezartzen baitira animalien ongizatearen arloko kontrol ofizialei buruzko Europar Batasunaren araudia Espainian aplikatzeko, eta zenbait errege-dekretu aldatzen baitira. <a href="https://www.boe.es/buscar/pdf/2023/BOE-A-2023-6083-consolidado.pdf">https://www.boe.es/buscar/pdf/2023/BOE-A-2023-6083-consolidado.pdf</a>

## II. ERANSKINA

### EUOPAR BATASUNAREN IKURRA

Batzordearen 2021eko abenduaren 21eko 2022/129 (EB) Betearazpen Erregelamenduaren II. eranskinean ezartzen denaren arabera, Europar Batasunaren ikurra honela erabili behar da NPEPEko laguntzei dagokienez:



9. Ikurra nabarmenduta agertu beharko da herritarrei jardunen berri emateko prestatzen diren komunikazio-material guztietan, hala nola produktu inprimatuetan eta digitaletan, webguneetan eta horien sakelakoetarako bertsioetan.
10. Ikurraren ondoan honako adierazpen hauetako bat agertu behar da, laburtu gabe: «Europar Batasunak finantzatua» edo «Europar Batasunak modu bateratuan finantzatua».
11. Ikurrarekin batera erabili beharreko letra-tipoa honako hauetako bat izan daiteke: Arial, Auto, Calibri, Garamond, Trebuchet, Tahoma, Verdana edo Ubuntu. Ezin da erabili letra etzanik, ez azpimarrarik, ez bestelako ezein efekturik.
12. Testuaren kokapenak ez dio inolako eragozpenik egingo ikurrari.
13. Letraren tamaina ikurraren tamainarekiko proportzioskoa izango da.
14. Letraren kolorea urdin reflexa, beltza edo zuria izan daiteke, atzealdearen arabera.
15. Ikurra ezin da aldatu, ez eta inolako beste elementu grafikorekin edo testurekin konbinatu ere. Ikurraz gainera beste logotiporen bat ere agertzen bada, ikurra logotiporik handienaren bestekoa izan beharko da gutxienez, garaieran edo zabalera. Ikurraz gain, ez da beste adierazgarri bisualik edo logotiporik erabiliko Batasunaren laguntzaren berri emateko.
16. Toki berean zenbait jarduketa egiten badira finantza-tresna beraren edo zenbaiten laguntzarekin, edo jarduketa jakin baterako finantzaketa osagarria ematen bada geroago, gutxienez plaka edo kartel bat jarriko da.